


上諭條例

第三十四冊



漢書門	八九〇三
類	三四八三
架	六四
函	八
號	三
冊	六

內閣文庫	漢書
三八七函	八九〇三
三架	三四八三

內閣文庫	
番號	漢 8903
冊數	64 ( 34 )
函號	287 19



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字等が開きが不鮮明な場所あり

乾隆七年條例目錄

戶例

典賣田房現遵雍正八年定例辦理

六年夏秋災積水未退新舊錢糧緩徵

降革留任降職降俸



住俸各官開復後照常陞轉於吏部彙題奉旨之日起將俸銀分別扣解按季造冊報部

江浦修圩岸借常平倉穀免息分兩年還倉

買補穀價酌盈劑虛歉歲平糶酌量減價預行 奏聞

社義二倉聽便捐輸考試教官

乾隆六年漕糧截留七萬石分撥失地糶賑



條奏

戶七年目錄一

督撫嚴察關稅弊竇

乾隆六年留漕運丁月糧于停給一半內再減半賞給  
富戶資助貧乏挑築陂塘從優議叙

生息官田租籽借給各兵于餉銀內扣還其賞卹兵丁紅白

各關米荳額稅悉行寬免其征收船料之關仍舊納料計石  
征收之關查明料稅定議報部

江蘇漕斛請改小口京通各省可否改用查議會題

湖廣江西每年秋成後將米穀價咨報各省審擇委買如遇  
價昂在于存倉穀內酌撥買運

策問耗羨恐不便官民諸臣不當揣摩言利

賑濟宜斟酌變通隨時補救原議例明而意嗣後照此議辦

准徐海三府州捐監事例乾隆七年歲底止照

原史之數減三  
粟麥穀燕收

拆買米穀產地并應買各省臨時各按情形酌定數目互相咨明委員採買或買價  
昂臨時酌辦倉穀定應酌數日報部亦為額不敷之數分別補足

歉收平糶務將實在情形必須減價若干確切奏聞

常平倉穀遇地方米必價昂當多糶濟民毋拘泥成例

為民籌經久優裕之法

嗣後收漕州縣務將乾面潔淨米道免上船備有借倉驗之公故意勒捐刁濫不收  
或抗和不堪之米濫行收者該管上司揭奉治罪

災賑事宜

各關向徵船料者照例征收向不征船料者豈可因免米豆  
之稅而轉加征行文各關一體欽遵

漕糧地和草根此米色惡劣委官驗看若堪於沿途作糶與百姓無涉以辦糧  
州縣遇于吹水受足者備其難需索別區受累行文留心稽查



不休誠有如科臣所云者然細查定例原無限年清結之文是以  
外省遇有控告到官者始為照例剖斷自上年科臣條奏有限一  
年或數月之語部議雖未准行而淮揚等處刁民藉此為由捏造  
訛言煽惑愚民以為過限不找不贖則永無找贖之期因而訐訟  
更繁甚如寶應縣遂有糾集多人沿街打吵擁擠到縣立請斷我  
之事現已拿獲各犯飭究近日淮安等處民情亦緣此致多訐訟  
則息訟之意遂為與訟之端令之情勢殊多窒礙臣思民間戶婚  
田土一切事件無不有一定之例而刁黠之徒誇張為幻明知有  
例只圖拖累被告者有之巧借例文莫為朦混者有之印官雖援

例剖斷而若輩仍多健訟無已甚至控縣未結輒行控府控府未  
結又復越控院司者是訟獄之繁興由于民情之刁黠而非盡例  
禁之未周與問官之不遵例不獨典賣田房一事為然也至清理  
詞訟之道凡無情之詞即當立時明白批示不得濫准有必須查  
審者即為酌理原情依限審結而于越訴誣告尤必按律究擬不  
稍寬假臣現在通行各屬詳慎辦理並出示明白曉諭庶為息事  
寧人之道其一切定例已屬周詳若動請紛更徒滋奸偽所有典  
賣田房現遵定例辦理緣由理合 奏明伏祈

皇上睿鑒謹

奏

典賣田房二

奏乾隆七年二月初九日奉到

硃批知道了欽此

六年夏秋灾積水未退新舊錢糧緩征

蘇撫都院陳謹 奏為奏明事竊照惟正之供辦自田畝而輸將之義達于閭閻豐年按限催征歉歲酌為停緩雖

皇恩

下究纖悉必周而民可使由不可使知則又當調劑有法庶幾奉

行得宜伏查乾隆二年准戶部咨議覆安徽布政司晏斯盛條奏

內開被災之處有延至深冬積水方退必待次年春夏始得佈種

秋禾此等田畝令地方官據寔確查將新舊錢糧細數造具冊結

詳報該督撫核寔另疏題請緩至秋成催征以紓民力等因在案

上年臣屬江鎮淮揚徐海等府州屬夏秋被田地有旋經退出者

條奏

六年夏秋灾一

有遲至一二月內始涸者大約在十月以前退涸者農民俱已佈種二麥交冬又得雪雨滋潤將來可望有收惟極低最窪之處積水深冬未退二麥並未播種必待本年春夏始得佈種秋禾則麥季無收已與夏災相似前撫臣徐先於謹報淮北被水等事案內即經附疏聲明冬季積水未涸另題再請緩征准有部覆行令查照定例分別辦理臣查賦從田出糧由租辦若田租既無則輸納糧賦未免竭蹶揆其情形應加體卹惟是江省民俗淳頑不一每聞緩征之信輒多妄希

恩澤

即如上年丹徒縣僅只順江洲被水而刁民鼓惑遂致羣聚求緩

徵漕已可概見今低窪未種麥之處以通邑而計不過一隅即有田業戶亦或另有高田原非盡係貧民之產倘此時再令地方官確查造冊請題緩征事屬煩雜難免混淆且恐愚民覬望反將熟田正賦亦多拖欠殊有未便臣現在酌量飭行經征各員查明未經種麥之地本年新糧從容緩催以寬民力如自行完納者聽之統候秋成再為上緊征輸迨至次年奏銷前照已完之數統計考成原屬無碍至災田舊欠錢糧遵例分年帶征亦不妨暫緩庶於催科之中寓以體卹之意而因地制宜不致張皇滋擾所有酌辦緣由理合奏明是否有當伏祈





叅罰案件未經開復完解不准陞轉其官員降革由任降職降俸  
住俸等案開復之後應准其照常陞轉今查臣部歷年辦理每有  
因議處之后未經開復以前內有應扣降革住俸銀兩未經知照  
完納雖經開復仍行停陞竊思官員降革由任及降職降俸住俸  
等案內有分別年限無過開復者亦有限年徵催緝拿俟全完全  
獲之日開復者此等案件原係定以年限分別考成本非罰俸可  
比如果並無過悞或業經全完全獲題咨開復即係並無叅罰之  
員是以定例原無開復之後必須知照扣俸全完方准陞轉之條  
若既經開復又必知照扣俸全完始准推陞是以一案之處必  
須兩次開復核之定例寔有不符臣等酌議應請嗣後除官員有  
叅罰案件未經開復完解者照例停陞外其降革由任及降職降  
俸住俸等案俟本案開復之後即照定例准其照常陞轉至于應  
扣降革住俸銀兩雖無碍于陞途但官員既有此等議處案件自  
應于接到部文以後未經開復以前按照年月分別扣俸今臣部  
查見任官員遇有此等案件有照例扣除知照者亦有仍行支領  
全俸並不扣解者殊未畫一應請

勅交戶部定議行令各該督撫照例畫一辦理庶官員開復之後既得  
照例一体推陞而應扣俸銀兩亦得按限完納等因前來查外省現

條奏

降革留任二

任各官凡遇降革由任及降職降俸住俸罰俸等項案件經吏部議處彙題後知會臣部臣部向例即行文各該督撫將該各員議處案件應扣俸銀照數扣抵歷經遵循在案再查雍正七年吏部議覆陞任御史劉吳龍條奏各省官員完解罰俸銀兩不必單咨彙冊俱令每年按定四季報明戶部戶部亦按季查核轉咨吏部逐案查銷等因通行遵照亦在案今吏部奏稱官員既有降革由任及降職降俸住俸等案議處自應按照年月分別扣俸今查現任各官遇有此等案件有照例扣除知照者亦有仍行支領全俸並不扣解者殊未盡一應交戶部定議行令各該督撫畫一辦理等語查外省官員遇有革職由任及任俸降俸降職等案係革職由任及任俸者俱應停支俸銀其降俸降職降級者俱應照所降之級扣除俸銀均應于各本案開復奉旨之日再行起支本任全俸今查各該省官員應扣降革住俸銀兩臣部檢查各省冊檔有于奏銷冊內分別已未完數目造報者亦有將已扣銀兩同罰俸銀兩按季造報轉咨吏部者亦有照常支領全俸補行解交者亦有于開復後始行扣解全完者辦理原未畫一今查完解罰俸銀兩既經定例按季造冊報部轉咨吏部查銷其降革住俸銀兩亦應按照年月分別扣解一例按季造冊報部

轉咨吏部以備查核應通行各省督撫嗣後外任大小官員凡遇  
降革由任及降職降俸等項案件務于吏部議處彙題奏  
旨之日起將各該員應扣降革任俸銀兩照數分別扣解按季造冊報  
部轉咨吏部查核至武職官員遇有降革由任及降職降俸任俸  
等項案件其應扣俸銀與文職事同一體應令各該督撫照依文  
職之例一體辦理可也

江浦修圩岸借常平倉穀免息分兩年還倉

撫院為

奏明事竊照江南地處卑下近江傍河田畝全藉堤堰保障必須培  
築高堅始足捍禦外水得免潰決之虞民間稔知關係緊要是以  
每于農隙之際各按田畝並段業戶出給飯食佃戶出其功力乘  
時興修歷久循行無異上年七月內滁州來安等處山水陡發江  
寧府屬之江浦六合二縣地居下游水勢驟至在在堤堰咸被冲  
決水退之後臣即飛行該地方官勸諭督率業佃上緊設法修築  
完固以資防衛去後續據江浦縣詳稱除各圩堤岸飭令各業戶

奏

江浦修圩岸

照例修築外惟有三角圩堤岸冲缺一千九百一十二丈北城圩堤岸冲缺一千二百二丈五尺又永豐圩堤岸冲缺二百二丈三尺此三圩工程浩大被災各業戶力寔難支應請幫助修理等情臣查民間堤埂向無動帑興修之例惟是該縣上年被水迥異泛常淹沒之田秋收既無顆粒而積水未涸春麥又復失望葺廬謀食已覺艱難築埂圩堤更多拮据但各該圩地廣田多上閔國計下繫民生若不急為帮築誠恐春水一漲尤難捍禦查一力農佃例應借給籽種籽種非晝播植之資日食口糧亦俱在內以之移為築堤之用似屬患而不費臣仰體

皇上勤卹民隱至意現行藩司轉飭查明該圩冲缺處所按其丈尺多寡分別酌借常平倉穀三千三百石擇糧多大戶及圩長地保協同具領分散各佃資其工作務令乘時修竣無悞耕種倘有不敷仍令業戶帮助亦易為力其所借之穀飭令該縣汪紳文遵照定例免其加息酌分兩年照數催繳還倉不得短少并察禁胥役侵冒及扣剋需索等弊一轉移間倉穀既無虛耗田地不致荒廢且青黃不接之候得此接濟與以工代賑之義亦屬相符所有酌辦緣由理合恭摺奏請

聖鑒訓示謹

奏

江浦修圩岸二

奏

乾隆七年三月三十日欽奉

硃批辦理甚妥知道了欽此

臣等謹將前奉  
上諭事江南司案呈內閣抄出乾隆七年二月二十八日內閣奉  
上諭從前廷臣議准張渠買補倉穀一事以本邑之贏餘為本邑之撥  
補其他州縣不得通融如歲歉穀價昂貴不敷採買准其展限朕思  
地方積穀原以備民間緩急之需必及時買足方於儲蓄有益若一  
概不許通融而無盈餘之州縣或有值歲歉價昂咨部展限則倉儲  
必至久懸非濟民利用之道也嗣後如該州縣當秋成之時穀價高  
昂不能買補而該處存倉穀石尚可接濟者照例詳請展限于次年

戶部為欽奉

買補穀價酌盈劑虛歉歲平糶酌量減價預行 奏開

上諭事江南司案呈內閣抄出乾隆七年二月二十八日內閣奉

上諭從前廷臣議准張渠買補倉穀一事以本邑之贏餘為本邑之撥

補其他州縣不得通融如歲歉穀價昂貴不敷採買准其展限朕思

地方積穀原以備民間緩急之需必及時買足方於儲蓄有益若一

概不許通融而無盈餘之州縣或有值歲歉價昂咨部展限則倉儲

必至久懸非濟民利用之道也嗣後如該州縣當秋成之時穀價高

昂不能買補而該處存倉穀石尚可接濟者照例詳請展限于次年

奏

買補穀價

買補倘穀價既屬不敷而貯倉穀石又係不足者准其詳明上司以別州縣穀價之貴賤餘添補採買為酌盈濟虛池彼注茲之計該管督撫不時查察一面辦理一面奏聞又從前張渠奏請減價糶穀于成熟之年每一石照市價核減五分米貴之年每一石照市價核減一錢此蓋欲杜奸民賤糶貴糶之弊也但思尋常出陳易新之際自應遵此例行假若荒歉之歲穀價甚昂止照例減價一錢則窮民得米仍屬艱難不能大沾恩澤嗣後着該督撫臨時酌量情形將應減若干之處預行奏聞請旨如有奸民賤糶貴糶之弊戾罕究治目今江南督撫即同欽差遵照此旨一面辦理一面具奏欽此

社義二倉聽便捐輸考試教官

戶部為敬陳一得等事山西司案呈本部會同禮部議覆浙江道監察御史薛澂條奏各省義倉樂輸之穀石宜禁止勒派考試教官宜禁止代筆二款于乾隆七年三月初二日題本月初五日奉旨依議欽此相應抄錄粘單移咨各該督撫學院欽遵查照施行計粘單一紙一各省義倉樂輸之穀石宜禁之勒派也海內士民群樂輸粟以充義倉以供歲時斂散賑恤貧乏之用此因民利民惠而不費地方有司不過為之經理為之勸導俾有力之家出有餘以補不足聽其自便故謂之樂輸並非限為成數抑勒以取盈也乃

臣聞州縣奉行不善希圖地方有豐亨之名以見長于上官往往於秋收之後令鄉長里首舉報富戶按地面糧石之多寡定為成數指名勒派因而奸胥蠹役恐赫索詐百弊叢生莫可究詰名為樂輸幾同強取小民未受施濟之益先受科歛之累其非所以仰體 國家設立義倉之本意也臣請

勅下直省督撫轉飭所屬州縣聽民間量力捐輸多寡從便如有計畝按糧派累等弊即嚴行叅處照例究治等語查雍正二年九卿議覆各省設立社倉令地方官開誠勸諭所捐之數不拘升斗積少成多亦不得抑勒苛派以滋煩擾酌議六條通行各省遵照在案

小議御史奏稱各省義倉樂輸穀石州縣奉行不善往往于秋收之後令鄉長里首舉報富戶按地面糧石之多寡定為成數指名勒派因而奸胥蠹役恐赫索詐百弊叢生莫可究詰名為樂輸幾同強取請

勅下直省督撫轉飭所屬州縣聽民間量力捐輸多寡從便如有計畝按糧派累等弊即嚴行叅處照例究治等語查士民捐輸穀石鄉村立社倉鎮店立義倉以為積貯之計是義社二名本屬一例自應聽民間量力捐輸原不得強派抑勒致滋擾累從前九卿議奏社倉事宜義倉亦應一體遵照或日久法懈潛滋弊端亦未可定

應如該御史薛徽所奏通行直省各督撫飭令各府州縣務須開  
誠勸導鼓舞士民聽便捐輸社義二倉一體辦理如有計畝按糧  
指名強派以及胥役勒索等弊即行題參究治

一考試教官宜禁止代筆以重文教也伏思 國家以教育人材  
之職責之教官每遇學臣歲試諸生時將教官一體考試所以示  
勸懲核名寔而收課士之寔效也乃向來積習學臣按臨一樣懸  
牌示期聽考至考試之日則印時進院領題辰時携卷而出各歸  
私寓延本學能文廩生代作並代寫精工酉時繳卷次日出榜某  
官考試一等某官二等而三等者甚少在教官中豈無勤學能文  
之人但積習相沿尤效成風將能文者無由見其長荒疎者過以  
掩其短夫短于作文豈能長于課士而欲責人才之成就不亦難  
乎臣請

勅下直省學臣考試教官時與尋常考試一體封門不許携卷歸寓以  
杜代倩分別等次移明督撫以為大計之寔據考核如有仍前虛  
應故事者一經發覺將學臣照例議處教官照規避例議處  
提調官知而不舉照徇情例議處考試嚴則人向學人向學則師  
道立而善人多矣等語查學政全書內開儒學教官士子觀法所  
係按臨之日考其學行兼優教有成效者除禮待獎勵外仍據寔



修考

列薦其行履無過但學問疎淺者姑行戒飭責令勉進老病不堪者准令以禮致仕若鑽營委署橫索求修卑污無恥素行不謹者不必試其文學即行奏奏等語是學臣考試教官原應面試不得令其領卷出外假手他人日今各學政皆係遴選能文之員而

皇上

復諄諄面諭自必恪遵定例加意甄別但其中或有因敘官係多士之師率而不加封鎖以示優隆者亦未可定應如該御史所奏請

勅下

各省學臣考試教官時與尋常考試一體封門不許携卷歸寓以杜代倩分別等次移明督撫以為大計考核之實據至于原定條

例凡教官考試先察品行而後文章故文章考居次等者亦第垂董戒之條而不定處分之例今若因考試闕防之事而即定學臣提調及本教官等以降革之處分未免輕重倒置應將該御史所奏學臣照徇庇例教官照規避例提調知而不舉照徇情等例議處之處無庸議

歲之無蓄積

奏與自熟尚須附錄會熟既數附錄隨地而不舉將解解附錄  
附錄之本籍官眷心制並之歲後未與種重附錄附錄附錄  
董如之制而不宜與今之附合若因若附附之重而附錄附錄  
附錄附錄附錄附錄附錄附錄附錄附錄附錄附錄附錄附錄

乾隆六年漕糧截留七萬石分撥失地糶賑

戶部為欽

上諭事雲南司呈乾隆七年三月十一日內閣奉

上諭江南淮徐守處年來疊被水災黎民乏食朕屢降諭旨令該督撫  
加意撫綏昨又特差侍郎周學健前往會同辦理務使貧民不致失  
所但平糶加賑俱需米糧若本地倉儲不足何以濟用目今江廣漕  
船尾帮正在過淮之際着截留七萬石分撥被災各州縣地方其如  
何減價平糶及動用散賑之處令該督撫欽差侍郎悉心商酌妥協  
辦理倘從前所報飢民冊籍之外再有困苦不能餬口者亦一體查

上諭

漕糧截留



往商旅尚不能普被恩施怨聲嘖嘖究其由來皆因司權之家人胥  
 役巧立名色重斂徵收勒捐需索弊端百出不飽其欲則逗遛不肯  
 放行大為行旅之害是國家徒有減稅損上之德而商民未受減稅  
 益下之恩無知者尚嘵嘵於稅課之重所謂不揣其本而齊其末即  
 使再減數百萬額稅用是以往朕知其于商民仍屬無益也夫司權  
 官員一任家人胥役肆橫無忌漫無覺察商旅其何以堪朕思督撫  
 有稽查通省之責凡屬地方利弊何一不當留心釐剔而關稅弊竇  
 若此朕在京尚有所聞督撫身在本省豈竟一無聞見乎總因視非  
 已事故爾漠不關心耳嗣後著該督撫嚴行訪察遇有此等弊端立  
 即嚴拿重究如司權官員瞻徇袒護亦即據寔奏聞不得視為具文  
 以奉旨之後一查即可了事務期寔力稽查俾商旅永無苦累倘朕  
 再有所聞或被科道知有寔據叅奏朕惟該督撫是問欽此

戶部為欽奉

乾隆六年留漕運丁月糧于停給一半內再減半賞給

上諭事雲南司案呈乾隆七年三月十三日內閣奉

上諭去年上下兩江及浙江之州縣被水偏災收成有歉收之處朕恐民間米糧不足降旨截留三省漕糧八十萬石以為備用向來定例漕糧停運之年運丁月糧止給一半停給一半朕念運丁等當歉收之歲食用艱難已降諭旨將浙省停給項內再減半給與資其養贍江南運丁亦應一體加恩著將停給項內照浙例減半賞給以昭特恩後不為例該部即遵諭行欽此欽遵

留漕運丁

孟德源號選  
料判月

恩財不盡外... 戶部為遵

云南軍丁亦... 戶部為遵

之... 戶部為遵

九... 戶部為遵

土備去辛... 戶部為遵

土備軍要... 戶部為遵

戶部為遵

戶部為遵

掉對本平... 戶部為遵

富戶資助貧乏挑築陂塘從優議叙

戶部為遵

旨

議具奏事江南司案呈內閣抄出吏部左侍郎蔣 奏江南廬鳳

一帶就近素封之家肯捐資賑濟者加意勸導稍從優叙并宜挑

宜築一切脩造之處并令作速興工一摺于乾隆七年三月初日奏

殊批

大學士會同該部速議具奏欽此欽遵于本月初九日抄出到部

該臣等會議得吏部左侍郎蔣 奏稱竊惟廬鳳一帶地方易荒

少熟近日被水失業之民餬口無資流離是患蒙我

皇上蠲租發粟連年散賑今又

奏

富戶資助

修考

特命部臣前往會同守土大臣定心籌畫伏讀

上諭務使朝廷德意得以下逮無致一夫失所此真嘉惠黎元寔心寔

政東南億萬赤子無不仰戴

皇仁矣臣思查賑一節道莫先于足食事總歸于便民彼處就近地方

或有素封之家肯捐貲賑濟者似宜加意勸導庫之踴躍從事如

設廠施粥捐銀釋運資助貧乏籽粒安插就食流民等事皆足以

補官賑之所不及向來樂善好施議叙過輕其資助至萬計者止

於加級紀錄一二千金者不過給匾旌獎似于鼓舞之意未盡况

今貧者益貧富者益富若使之有無相濟是亦流通一道至謂恐

與開捐事例相類不知此為地方救荒起見一時權宜不必永著

為例且此項銀兩並非交歸庫項者可比與捐納寔判然懸殊若

慮及流弊恐以少報多濫邀

恩例惟有曲心稽察寔力奉行又豈可因噎廢食臣請

皇上勅諭該督撫等出示曉諭鄰近地方如有情愿捐賑者作速報明

分別稍從優叙酌定條例通行曉諭其寔在急公著有成效者奏

開請 旨議叙抑臣更有請者伏讀

上諭 陂塘溝洫之類加意講求似宜併

奏本

音戶資助二

俞督撫等將宜挑宜築一切修造之處通盤打算有能捐貲修造者  
令其作速興工有司就便查勘一併歸于捐賑條內議叙如此則  
與地方水道田禾既有裨益而乏食窮民得以傭工度日以工代  
賑在官之經費不繁飢民之全活寔眾似於救荒事宜均不無小  
補等因具 奏前來查乾隆七年二月十六日內閣奉

上諭江南廬鳳宿州淮徐等處上年遭值水災黎民乏食朕已屢降諭  
旨多方賑濟期蘇閭閻之困近聞百姓餬口無資仍不免于流離艱  
苦茲由該地方屢年疊遭飢饉督撫等雖照例辦理尚不能淪洽普  
周登之柩席當此春耕之時黎民苟失其所秋成何望焉用是深為

軫念着刑部侍郎周學健馳驛前往會同總督那蘇圖巡撫陳大受  
張楷寔心體察和衷籌畫務使朝廷德意得以下逮無致一夫失所  
至于此等地方屢被水患必有致此之由不可忽視即如波塘溝泖  
之類亦當加意講求使除其害而收其益着周學健一并會同該督  
撫悉心妥議具奏欽此行文欽遵在案今該侍郎蔣 奏稱廬鳳一  
帶地方被水失業之民餬口無資彼處或有素封之家肯捐資賑  
濟捐銀糴運資助貧乏籽粒安插就食流民等事以補官賑之不  
及向來樂善好施議叙遇輕其資助至萬計者止于加級紀錄一  
二千金者不過給匾旌獎似于鼓舞之意未盡臣請



勅諭該督撫等出示曉諭鄰近地方如有情願捐賑者報明分別優叙酌定條例通行曉諭其是在急公著成有效者奏

聞請

旨議叙并請將陂塘溝洫宜挑宜築之處有能捐資修造者一并歸于捐賑條內議叙等語查好善樂施乃睦鄰任鄉之行故素封之家遇地方歉收之歲出其資財分贍鄉里急公慕義定屬可嘉誠以人尚推解則野有淳風士慕仁施則鄉多善俗寵而異之以示勸也我

皇上軫念民瘼偶遇歉歲蠲租散賑動逾百萬雖不藉一二素封出

貲供粟以資補苴但閭閻猝有災祲有此興養之舉亦於民生有益是以雍正十一年欽奉

上諭近聞直省地方捐貲周急好善樂施者頗不乏人此誠鄉鄰風俗之美亦人心古處之一驗也此等善良之人應加恩澤以示褒嘉著各該撫留心體察秉公確訪其捐助多者著具題奏請議叙少者亦著地方大吏給與匾額欽遵在案吏部歷年辦理好善樂施議叙各案俱按其捐助之多寡分別酌議今該侍郎既奏稱廬鳳一帶地方被水失業之民餬口無資彼處或有素封之家肯捐貲賑濟捐銀糶運資助貧乏籽粒安插就食流民等事以補官賑之不及向

條奏

富戶資助四

來染善好施議叙迺輕似于鼓舞之意未盡請

勅諭該督撫等出示曉諭鄰近地方如有情願捐賑者報明分別稍從優叙酌定條例通行曉諭其寔在急公著有成效者奏

聞請

旨議叙并將陂塘宜挑宜築之處有能捐資修造者一併歸於捐賑條內議叙等語臣等思好善樂施本于天良之激發初非有異功偉賞之私第里黨既敦任卹之情

國家宜示激揚之典查地方偶遇災侵雖係臨時酌辦非可預定成模但不比前量為加優亦非鼓舞獎勵之道應如所奏廬鳳鄰近地方有詛篤桑梓志存利濟者如肯捐貲賑濟捐銀糴運資助貧乏籽粒安插就食流民該督撫核其所用數目報明戶部核寔確查會同吏部加優議叙如寔在銀數米石過多者係有職銜之人酌量與以選用之途係未有職銜者酌量給以頂帶榮身其挑築陂塘捐資脩造者亦令該督撫核其所用數自報明工部核寔確查會同吏部歸於捐賑條內一體加優議叙如此則素封之家因有所鼓舞而益勉于為善人多秉穗之遺家敦仁讓之俗矣再淮揚地方亦係被災之區如有寔在捐資賑濟捐銀糴運者一並從優議叙可也等因乾隆七年三月二十日奏本日奉



六年收存租米一千一百七十七石零臣標左右兩營兵每名應借米九斗三升蘇州城守營兵每名應借米六斗九升六合俱按現今時價自本年四月起分作八個月于各兵應領餉銀內陸續扣清臣已飭營照案辦理相應恭摺奏

聞再照向來租米發市變價係蘇城行使之市平九五色銀即照此平色給賞今餉銀內扣還係庫錢紋銀似應照數實給不便仍照市平色折扣致滋經手備弁藉端浮扣之弊兵丁不沾實惠臣仰体皇上軫卹戎行至意除飭各營遵照外理合一併

奏明伏祈

睿覽謹

奏

乾隆七年三月三十日欽奉

硃批知道了欽此

各關米豆額稅悉行寬免其征收船料之關仍舊納料計石  
奏  
乾隆二十八年二月三十日奉

各關米豆額稅悉行寬免其征收船料之關仍舊納料計石  
征收之關查明料稅定議報部

戶部為欽奉

上諭事貴州司案呈內閣抄出乾隆七年四月初二日內閣奉

上諭國家設關權稅定其別例詳其考核凡以崇本抑末載諸會典者  
為常經由來已久其米豆各項向因商人販賤鬻貴是以照則征輸  
第恐小民朝饔夕飧惟穀是賴非他貨物可比關口征納米稅雖每  
石所收無幾商人藉口額課勢必高抬價值是取之商者仍出之民  
也朕御極以來直省關稅屢次加恩減免又恐權吏額外浮收刊立

科條多方訓飭每遇地方歉收天津臨清濟閘蕪湖等關口商販米  
 舡概給票放行免其上課皆以為民食計也但係特恩間一舉行未  
 能普徧夫以養民之物而權之稅轉以病民非朕已飢已溺之懷也  
 今特降諭旨將直省各關口所有經過米豆應輸額稅悉行寬免永  
 著為例俾米穀流通民食充裕懋遷有無者不得藉以居奇小民升  
 斗之給不致有食貴之虞以昭朕惠恤黎元之至意至各關口征收  
 則例不一有徵商稅者有征舡料者有商稅舡料並徵者今既蠲免  
 米稅其舡料一項若不分晰明確著為規條恐致混淆滋弊應如何  
 辦理之處著交該部詳查妥議具奏欽此欽惟我

皇上御極以來凡有關於民生之事無不格外加恩計閘課一項屢降

諭旨恩免米稅輕減火耗禁止勒捐需索愛民恤商至周極渥今復念

米豆係民食攸關關口征納米稅商人藉口額課加增價值恐小

民升斗之給不無貴食之虞特降

恩旨將各閘經過米豆額稅悉行寬免殊恩大沛永沐

皇仁又以來稅既免恐稅料並征之閘混淆滋弊令臣等詳查妥議此

誠

皇上睿慮周詳無微不至臣等欽遵

諭旨詳查各閘米谷豆麥稞糧等稅有按標頭丈尺納料者有收納船

條奏

戶空船料銀及無論有載無載按年抽單納課者又有計石征税不收納船料者各關則例有殊故征收未能一致今蒙

皇恩豁免米稅其船料銀兩自應分晰明確永遠遵行臣等伏查徵收

船料之開向不收納貨稅計船身丈尺納料即空船過關亦係納料今若概將船料豁免恐船戶希冀免料串通奸商將一船米糧分作數船裝載以致因納料之空舡亦得混淆偷漏應令該關監督將向例征收空舡料銀者遇有裝載米糧過關其應納料銀應照依空舡料銀之數納料如本係空舡及按年抽單納課者仍照舊例征收但舡隻料銀各關俱係收納何計石征收之開獨不收納料稅或係料稅即在計石征收之內則例未經開載查各關空舡既已征料是舡料自應一体輸納應令該關監督詳細查明定議報部俟報部到日臣部再行定議具奏再查寬免米糧等稅原以惠養黎元管關官員自應仰体

皇仁寔免在商俾米穀流通民食充裕但不得借免米稅之名將所征

貨稅銀兩侵蝕已如有征多報少及隱匿情弊或經督撫查出或被科道糾奏即將該管關員嚴加議處并令將免過米糧銀兩數目統俟年滿造冊報部查核可也等因乾隆七年五月十四日奏本日奉

條奏

各關米釐三

硃批依議欽此

江蘇漕斛請改小口京通各省可否改用查議會題

戶部為敬陳漕斛不便民情仰懇

聖慈特予更定事雲南司案呈內閣交出蘓州巡撫陳 奏前事等

因乾隆七年二月十六日奉

硃批該部議奏欽此欽遵于本月十七日抄出到部該臣等查得蘓州

巡撫陳 奏稱江蘇漕糧甲于天下州縣額徵之數多至數萬及  
十餘萬不特徵收繁雜諸弊叢生雍正年間屢奉

世宗憲皇帝諭旨嚴飭釐剔維時督撫漕臣欽遵寔力稽察因見收兌

糧斛口大邊濶稍稍浮溢即盈升累合胥役易於滋弊納戶受累

江蘇漕斛



無窮前署撫臣彭 於雍正七年內改製小口斛發交糧道照  
部頒製斛較準並無絲毫盈縮惟口小邊薄色以鉄皮使米不能  
高聳滿溢以杜浮收累民之弊自是以後官民無不稱便第彭  
所改斛式並未題請畫一定制原屬疎漏以致旂丁藉口具控倉  
場行查于上年正月內戶部行令仍照部頒式製造頒發兌漕遵  
照在案查斛口窄小一攪即平縱使稍浮為數無幾顯而易見便  
於查察斛口寬大攪過不能平淨略浮半指即有數合形迹亦不  
甚彰著此事理之較然者平斛响攪不許浮收顆粒

功令未嘗不厭漕多州縣花戶完納擁擠印官不能逐戶逐斛而驗  
其有無浮溢則書役斗級人等乘機舞弊勢所必致上司稽察勢  
不能分身遍歷州縣倉廩即或委員抽廠盤量而書役久知廩內  
餘米寔數暗向花戶折收入已開作日收米數以相符合弊之所  
在叠出不窮細訪民情咸以收斛口大甚為不便與其用大口之  
斛層層稽查而不能杜其弊端曷若改用小口之斛俾弊無可施  
而禁止於未然合無仰懇

聖慈垂鑒敕部定議江蘓仍用小口斛式以順民情如以事不畫一則  
內自通倉外而各省收漕斛式或可仿行統聽籌酌蓋斛口雖小  
而斛內米數與制斛顆粒不整必不致有虧倉儲而斛面不得浮

收小民可免苦累等因前來查臣部衙門收存祖斛及頒發倉場  
總漕并各省布政司糧儲道鉄斛係康熙四十二年鑄造歷久遵  
用無異嗣於雍正八年四月內原任總漕張 疏稱蘓松樣斛較  
部頒鉄斛大八合八勺再請鑄造鉄斛八張每省糧道各頒一張  
又經臣部等部議准鑄給并将總漕糧道照例議處在案續于乾  
隆五年八月內據倉場侍郎以蘓松等府旗丁呈請南漕斛面一  
例照北漕斛面更造等情行文總漕去後旋據陞任總漕托 以  
收漕斛式係題明定制奉部製造須發現在各省無不遵循惟蘓  
松各屬于雍正七年前任撫臣彭 改為小口薄邊以致各幫旗

丁僉以小口斛受兌抵通到壩以大口斛面起卸多致不敷南北  
紛紛具控咨請該處仍用小口斛式則內自通倉外及各省俱一  
律改製小口以昭畫一倘以歷年成憲不便更張則從前之改換  
原屬紊越將現行小口各斛畫行銷燬悉照祖斛式樣頒發兌收  
等因經臣部議以雍正八年既已頒發鉄斛自應遵照題定之案  
辦理行令將私置斛隻概行銷燬仍照部頒斛式頒發兌漕如斗  
級人等倘有浮收扣剋致累軍民之弊及拿究治等因亦在案今  
蘓撫陳 奏稱兌收糧斛口大邊濶稍稍浮溢即盈升累合昏復  
易於滋弊納戶受累無窮斛口窄小一攬畢縱使稍浮為數無幾

修奏

便十查察細訪民情咸以收斛口大甚為不便仰懇

聖恩

江蘓仍用小口斛式以順民情如以事不畫一內自通倉外而各省收漕斛式或可仿行統聽籌酌等語查收兌漕糧惟憑斛制必令內外畫一庶可出納均平弊竇不生而軍民易于遵守前經臣部須發鈇斛各省久已遵循行用如以口大邊濶易滋弊端惟小口薄邊之斛可杜浮收累民之弊酌議改用小口斛式其果否便民永無流弊且不致累軍可垂久遠之處該撫陳 祇就江蘓一省情形奏請改用至京通倉儲以及各省有漕地方可否一律改用臣部碍難懸議相應行令倉場侍郎會同總漕道有漕各省

督撫確查妥議會題到日再議可也尋因乾隆七年四月初二日

題本月初六日奉

旨依議欽此

乾隆七年四月十二日奉 旨依議欽此  
臣等查江蘓省在湖廣任內知縣... 漕糧... 倉儲... 奏請... 欽此

聖恩

便丁查察細訪民情以收斛口夫害為民不便仰懇  
聖恩仍用小口斛式以順民情等因欽此  
查收清斛式或可仿辦等因欽此  
內外畫一庶可出納均平等因欽此  
欽此欽此各省久已遵行用  
等因欽此

殿本凡以六日奉

督辦查復會同擬定日再商可也恭因詳請以奉四日奉一日

湖廣江西每年秋成後將米穀價咨報各省審擇委買如遇  
價昂在于存倉穀內酌撥買運

戶部奏

聞事湖廣司案呈內閣抄出本部議要湖南巡撫許 奏前事一摺于

乾隆七年四月十二日奏本日奉

硃批依議速行欽此諛臣等查得湖廣巡撫許 奏稱准湖廣督臣孫  
咨准兩江督臣那 咨以鳳廬潁泗四府州屬積貯米穀必較他  
屬倍為貯蓄前在湖督任內知楚省武漢黃德等府原有存儲接  
濟隣省之穀四十萬石已經陸續購買將足動銀十萬兩解赴楚

奏

湖廣江西每年秋成後一

省于武漢等府倉內約買米一十萬石運回分發貯備奏奉

硃批著照所請行欽遵咨會等因查湖北武漢等倉米年應買穀石俱

未足數似應南北兩省令委員各買一半俾江省得資接濟而湖北倉儲亦不致驟虧是否可行相應咨商等因查北省武漢等倉應買穀石俱未買足既難驟撥十萬石米之多而江省需米接濟又未便短少南省連年順成各屬儲積尚可通融自應分半料理當即咨稟督臣孫 並檄飭布政使張璨在于附近水次長衡岳各府縣倉加貯穀石內酌撥碾米候江省委員到日查照原買價值買運其來南與否尚在未定應俟江員如果來南買運定有確

數再行照例題咨再查湖南素產米穀近年生齒日繁又兼各少官買商販以致時價日昂即如乾隆六年秋冬江蘄湖北知會委員赴湖南買穀嗣聞南省價貴各將委員撤回安徽奏動銀兩赴江廣採買米穀後因截留漕糧亦准知會停止福建賫到銀兩委員計筭買運回閩其費轉在本地價值之上未敢遽買廣東賫到銀兩委員奉督臣諭令不論時價高下務必買回正在陸續買運其穀價制斛每石皆在五錢以外切計聞貴價買未免徒費跋涉而雖貴亦買又恐益糜帑金此籌畫民天者所當因時制宜臣思各省出糴于產米之鄉原所以裕儲蓄誠未便停其採辦然必江廣

條奏

昔省米價果賤而後可以稱物平施裒多益寡應否于乾隆七年為始今湖廣江西素產米穀省分于秋收之後自七八月以至臘月將本地附近水次各屬米穀價值每月咨報安徽江蘇浙閩兩廣俾得審擇而行即或遇有急需勢在必買而江廣等處又值價昂只可備咨知會通融籌酌在于現在倉貯內量其盈絀酌撥買運俟價平時採買補項等因乾隆七年三月十一日奉

硃批

大學士會同該部議奏欽此查各省倉儲原應為積貯庶幾有備無患隣省採買時價高下亦須預為咨查以免臨時周章今該撫許 奏稱乾隆六年秋冬江蘇湖北知會委員赴江廣採買穀

石嗣聞南省價貴撤回安徽委員採買後因截留漕糧知會停止福建委員採買計集買運其費轉在本地價值之上未敢遽買廣東委員奉諭不論時價高下務必買回其穀價每石皆在五錢以外竊計聞貴停員未免徒費跋涉而雖貴亦買又恐糜費帑金應否于乾隆七年為始令湖廣江西素產米穀省分于秋收之後自七八月以至臘月將本地附近水災各屬價值咨報安徽江蘇浙閩兩廣俾得審擇而行即或遇有急需勢在必買而江廣等省又值價昂只可備咨知會通融在于倉儲內量其盈絀酌撥買運俟價平時採買補項等語臣等伏思食為民天自宜籌畫盡善今

條奏

湖廣江西每年秋成後三

將本地穀價之貴賤預行知會各省以之應否採買則各省督撫  
臨時俱有成美庶于民食得有裨益亦于帑項不致虛糜應如所  
奏行今湖廣江西督撫以乾隆七年為始于秋收之後自七八月  
以至臈月將本地附近水次各屬米穀價值每月據實咨報各  
省以便審擇委員採買若遇各省勢必採買而江廣等處又值價  
昂亦准其在于存倉穀內酌撥買運俟秋成照數買補還倉再  
江督那 奏明赴楚購買米石應俟委員到日在于湖北湖南  
附近水次府州縣存倉加貯穀內各半酌撥碾米查照原買價  
買給仍將賣給過數日報明戶部查核可也

策問耗羨恐不便官民諸臣不當揣摩言利

戶部為欽奉

上諭事雲南司案呈乾隆七年四月十九日內閣抄出

上諭一道欽此到部相應抄錄粘單移咨江南總督鈔遵查照可也乾

隆七年四月十六日內閣奉

上諭各省辦理耗羨一事朕恐或不便於官民之處是以于廷對時入  
于策問之內乃諸生無所敷陳甚且有不知耗羨為何事者又降旨  
詢問九卿翰林科道並外省督撫等庶幾合眾論以求一是此朕集  
思廣益之意也諸臣如有所見即當就事敷奏待朕採擇如無所見

上諭

策問耗羨一

亦不必勉強塞責所降諭旨甚明乃近見諸臣奏對竟有于耗羨一事之外旁牽側引以狂瞽之見為無稽之言所答並非所問即說到耗羨亦究竟不知原委萬難見諸施行甚至潘乙震之請開捐略司道之請鑄幣尤為荒謬之極方今天下承平海宇寧謐無擾攘之兵戈無繁興之土木上而府庫充寔下而滿漢安堵並非財用不足急須籌畫之時此人所共知者在我君臣惟當制節謹度未雨綢繆為持盈保泰之計若侈言豫大豐亨而流于奢靡荒縱固非安不忘危之道但如諸臣所奏沾沾以國用為言竟似國用寔有不足不得不從權計議者此風一開將見言利之徒接踵而起其為害甚大豈上有妨政體而已不但諸臣不當揣摩及此陳奏紛紛即專司錢穀之臣惟應通計出入準制用亦不當託言國計徒以綜核為盡職也數日來無知妄奏之輩原當加以處分因係降旨詢問導之使言故雖乖謬姑從寬宥此番訓諭之後如再有節外生枝悖理傷道者必從重治罪以為妄言者之戒欽此



外... 奏本日奉  
戶部為敬陳管見等事湖廣司案呈內閣抄出大學士等會議  
廣東道監察御史李清芳奏前事一摺于乾隆七年四月二十日  
奏本日奉

賑濟宜斟酌宴通隨時補救原議例明而意未顯嗣後照此

議辨理

戶部為敬陳管見等事湖廣司案呈內閣抄出大學士等會議  
廣東道監察御史李清芳奏前事一摺于乾隆七年四月二十日  
奏本日奉

硃批依議欽此該臣等查得協理山西道事廣東道監察御史李清芳  
奏稱竊惟經邦首重民瘼而立法期于盡善伏見我

皇上誠求保赤宵旰不遑凡所以為小民救災恤患者無一不至故自  
御極以來偶逢水旱賑恤惟恐法良意美周徧窮簷普天黎庶莫不登

在藩而安樂土其賑濟規模已極盡善迨于乾隆五年又經戶部  
議定新例現在遵行臣細按其條件與元年以來所辦成例種種  
懸殊現今淮揚等府偶值偏災上歷

聖懷

特命大臣星赴賑恤臣謹就管窺所及臆列新例之未協者敬為我  
皇上陳之一原辦散賑成例各省督撫按被災輕重情形被災至七八  
分極貧者賑六個月或五個月次貧者賑五個月或四個月或三個月又次  
貧者或三個月兩個月一個月以小民終歲勤動罹于災沴至來年始有  
粒食之望所以斟酌其間俾得獲養殮之給今戶部新例被災九分  
十分者極貧賑四個月次貧賑兩個月被災八分七分者極貧賑  
兩個月次貧賑一個月與向例大相迳庭夫地方被災以九分十  
分報者絕稀計所題報不過至七分八分而止耳今七分八分者  
只有一月兩月之賑何由大沾寔惠此新例之未協者一也一散  
賑成例被災戶口分別極貧次貧又次貧三等守雖有三其寔又  
次貧一項亦皆窮而無告者也若其頗能自存則有司必不肯列  
諸應賑之中矣今新例將又次貧一項人口裁去再查向來散賑  
各戶口惟又次貧一項最多今裁去其最多者小民何由均沾又  
向例大口日給米五合小口日給米三合行之累年今新例小口

日給二合半核糶已甚此新例之未協者二也一地方被災有夏  
早夏水秋旱秋水遭風冰雹各項戶部定議謂遭風冰雹以及夏  
天被水均不動賑查各省地方種植不同有種二季者亦有種一  
季者定例內夏災不出六月秋災不出九月若五六月之間卒然  
被水其種一季者禾稼損傷小民自己絕望即種兩季者橫流衝  
決淤泥填塞難以復種縱使得種雜植所獲無幾今若概不准賑  
小民何以卒歲至于遭風遭雹共為損傷大田與水旱無異今云  
夏水被水例辦理概不准賑是夏水風雹均非成災者也既不  
視為災傷則匿而不報勢有必至此新例之未協者三也當部臣  
奏定時曾奉

諭旨謂賑濟之事難以例該至聖至明何以加茲但自定例之後惟于  
乾隆六年九月內經江蘇巡撫陳 題請將六合縣次貧飢口逾  
格撫恤嗣于十二月內奉

旨恩賞江浦六合等縣極貧飢民加賑兩個月次貧加賑一個月欽遵  
在案向令不奏則循例辦理而已非蒙

皇上特恩則亦照例奉行而已臣愚以為散賑一事宜照乾隆元年以  
來所辦成案斟酌行之之為便目前正值淮揚等府辦賑之時仰  
懇

聖恩勅下臣工妥議迅覆等因于乾隆七年三月二十八日奉

硃批大學士九卿詳議速奏欽此欽遵于本月三十日抄出到部查乾

隆五年八月內據原任甘肅巡撫元 摺奏會寧等處被旱情形

一案經軍機處以賑濟未有定例辦理不能畫一將如何定例之處文部詳議具奏等因隨經戶部將夏秋水旱及風雹各灾分別極貧次貧酌定加賑月分并按照大口小口酌給米數詳列條款議覆具奏奉

旨此奏依議賑濟之事最關緊要固不可不先定條例以便遵行然臨

時情形難以預料雖定例千百條亦終不能該括惟在督撫因時就

事熟籌妥辦而已夫雨暘不能必其時若旱潦不能保其全無如果

應行賑濟即于常例之外多用帑金朕亦無所吝惜倘該督撫不由

心稽查以致有司奉行不當徒飽奸胥猾吏之私橐小民不沾寔惠

則虛糜帑金究何裨益耶欽此欽遵等因在案今御史李清芳奏稱

原辦散賑成例被災至七分八分極貧者賑五個月或六個月次

貧者或賑五個月四個月三個月又次貧者或三個月兩個月一

個月今戶部新例被災九分十分者極貧賑四個月次貧賑兩個

月被災八分七分者極貧賑兩個月次貧賑一個月與向例大相

逕庭又散賑成例分別極貧次貧又次貧三等今新例將又次貧

條奏

賑濟宜斟酌四

一項裁去小民何由均沾倘各省督撫有將災民分別而等開送者部臣必據向來所報戶口之多寡以前後不符抵駁矣又向例大口日給米五合小口日給米三合今新例小口日給二合半核減已甚又地方被災有夏旱夏水秋旱秋水遭風冰雹各項戶部定議遭風冰雹以及夏天被水均不動賑夫各省地土種植不同有種二季者有種一季者若五六月之間猝被水災其種一季者禾稼自已絕望即種二季者橫流衝決難以復種縱使得種雜植所獲無幾至于風雹損傷大田與水旱無異若概不准賑小民何以卒歲請將散賑一事照乾隆元年以來所辦成案斟酌行之目前正值淮揚等府辦賑之時仰懇

勅下

臣工妥議迅覆等語臣等謹查定例內開地方如遇水旱即行先賑一月再行查明戶口具題加賑所有戶部前議酌定月分一條係專指加賑而言該御史李因未前後通算以為月分減少奏請變通臣等揆查定例收成六分以上並不成災計民間豐歉適中之歲一年收穫完納夏稅秋糧而外所餘祇不過四五分以資口食其被災五分仍有五分收成本年錢糧

恩蠲

一分復行緩征較之收成六分仍行按限完賦者情形約畧相等是以祇准予來春酌借口糧毋庸再議加賑至被災六分者收成

雖有四分其糧食不無稍缺是以將極貧者加賑一個月再被災之始例有撫恤一月口糧是連加賑共兩個月矣至被災七八分者其歲祇有一二三分因擇其極貧加賑兩個月次貧亦加賑一個月連撫卹則賑兩個月者即係三個月矣至被災九分者收成祇有一分因擇其極貧加賑三個月次貧加賑二個月連撫卹則賑三個月者即係四個月矣至被災十分者因災傷過重擇其極貧加賑四個月次貧加賑三個月連撫卹則賑四個月者即係五個月矣是原議加賑多寡均照依災損之數按其缺乏量為補救其間青黃不接之時復有平糶酌借各項均足以補賑濟之所不及今若以偶爾偏災遽議加賑至六七個月以上俾小民終歲待賑微論經費有常難以為繼且使成災之區較之收成六分者所獲轉多于情理亦覺未協則戶部前此定例原屬持平至若地方連年積歉抑或災出非常原議將一切應行賑卹事宜令該督撫因時因地妥議題明辦理并奉

**諭旨**因時就事熟籌妥辦是以定例以來除各省偶被偏災照例查辦外其餘不能照常辦理者或將極貧加賑自五六月至七八月不等次貧加賑自三四月至五六月不等現在江南淮徐廬鳳一帶前奉

諭旨于正賑之外復行加賑今又據侍郎周會同該督撫奏請格外賑卹復經戶部議覆准行是按分酌定大槩者部臣權衡之法隨時加增散賑者

聖主浩蕩之恩嗣後各省偶被偏災既有戶部原定條例便于遵循倘有必須額外加賑之處即欽遵前奉

諭旨熟籌妥辦于災民寔屬有孟應毋庸再為更張又戶部原議加賑裁去又次貧一條伏查從前辦理賑務如潮廣山西貴州等省并不分別極貧次貧山東陝西等省亦祇分極貧次貧按月給賑惟江南浙江二省分為極貧次貧又次貧三項是各省辦理原屬不

同祇以被災州縣待賑者每至數千百戶其極貧次貧尚易查驗若又次貧一項則與次貧相去無幾既不便酌減賑卹致有偏枯且恐逐一查察分晰未免耽延賑期徒滋胥役煩擾之弊是以戶部原議祇分極貧次貧又次貧即在其內並不過為區別原為便民起見即近年辦理成案亦惟就督撫報題極貧次貧各數目核寔准銷非若該御史李清芳所奏將次民分別兩等開送者必據向來所報之數以前後不符抵駁也至大小口日給米數查各省有大口日給米三合小口日給米一合五勺者亦有大口日給米五合小口日給米三合者其江南山東湖南等省則歷係大口日

給米五合小口二合五勺或折給大口穀一升小口穀五合惟貴州地方偶有被水冲壞之處賑災四五十日不等係大口日給米八合小口日給米四合并非常行事例戶部原議以被災之時待哺者衆自應將各省散給米數量加酌定但恐過于短少致有不敷是以斟酌其中照江南等省日給大口米五合小口米二合五勺之例著為定數較之大口三合小口一合五勺既量為加增較之小口三合者亦畧為酌減是多寡尚屬適中並非若該御史李清芳所奏核減已甚也應仍照原議辦理又夏月被災如秋禾種植齊全將來可望收成者統俟秋獲之時確勘分數一條蓋緣農民終歲之計惟賴西成早禾雖被災侵若大田佈種齊全不過一兩月間晚稼即可登場較之秋禾失收必須徂春歷夏新穀方升者其待賑緩急原不相侔是以統歸秋收分數辦理但其間恐有必需接濟者因定有酌借籽種口糧之例今該御史李以五六月之間猝然被災其種植一季者小民既已絕望即種植兩季者橫流衝決難以復種若概不准賑小民何以卒歲不知戶部原議統歸秋成辦理者係指秋禾已種齊全可望收穫而言若種植祇有一季其夏災即准照秋災辦理是以甘肅夏禾被傷經戶部議令該督撫查明不能種植秋禾之處即行酌加賑卹在案其各



省種植兩季之地方若夏灾后不能復種秋禾亦即與秋灾無異故定例以來直隸江南福建等省夏月被灾較重仍係照例加賑並未著有概不准賑之條至水雹為灾多在夏月向例有貸無賑是以戶部原議令其查勘情形統照夏灾定例辦理其風灾一項原議令該督撫確寔勘驗如一時民食艱難即于常平倉穀內酌借籽種口糧各項倘或傷損大田必需賑濟者即具題請

**旨**

遵行是一切夏月水旱風雹各灾均係臨時酌辦俾賑卹皆歸寔際必如該御史李 所奏照乾隆元年以來所辦舊案遵行查未經定例以前各省成案內有賑濟五六月者比照辦理固屬格外寬

裕其間尚有賑濟一兩月者亦比照辦理月分轉致減少此多彼寡未免偏枯且與前奉因時就事熟籌妥辦之

**諭**

旨不符總之該御史李 奏議酌改戶部原定條例固屬推廣

皇仁之事惟是灾稔本屬無定經理期于得宜若地方各官果能體隨時情形難以預料雖定例千百條亦終不能該括之

**聖**

諭或斟酌于定例之中或變通于成例之外寔力寔心隨時補救是足以弭天灾而拯民困倘既无寔心並無寔力託言補救忽不及時無論循新例辦理究無裨益即依該御史李 所奏照乾隆元年以來所辦成案行之豈遂不須斟酌變通而自能裨益乎因戶

部原議例明而意未顯是以奉行不一自今江省淮徐等屬業經  
奏明賑卹事宜應令遵照現議辦理外其安省廬鳳等處正在查  
賑應行令侍郎周 會同該督撫詳細確查務俾災民均沾寔惠  
以仰副我  
皇上 誠求保赤之聖慈嗣後各省賑務俱以此議辦理

淮徐海三府州捐監事例乾隆七年歲底止照原定之數減  
三粟麥穀兼收  
戶部為遵

旨議奏事江南司案呈內閣抄出調任兩江總督那 蘇州巡撫陳  
奏請准徐海三府州屬捐監事宜循照往例減三收納二摺乾隆  
七年四月二十二日奉

硃批該部一併議奏欽此欽遵于四月二十四日抄出到部臣等議得  
調任兩江總督那 奏稱竊照下江淮徐海三府屬上年被災較  
重仰荷

皇上天恩賑糶疊施有加無已需用米穀既多倉貯甚屬匱乏前經撫臣陳會同臣奏明動項採買麥粟分發徐海兩屬以備儲蓄但積歉之後糧價頗昂恐一時尚難如數購補至近奉

恩諭截留漕米七萬石又經

欽差會同臣奏明分發淮徐等屬倉貯最少之州縣以資補倉之用惟是各該屬聞賑歸來及無依流民現議賑給兩月口糧而從前飢民冊外再有困苦不能餬口者伏蒙

恩旨一體賑卹又糧價稍平之處雖奏明動支銀錢照例折給至若糧

價昂貴之處必須多給本色庶于民食有濟是此項截留漕米七

萬石雖全數補倉猶恐未能足額况尚有應需添奏動賑之處則

淮徐海三屬之倉儲不可不急為籌慮伏查下江添貯案內米穀原應俟捐監添補只因被災之後粟穀價值無不昂貴是以報捐者甚屬寥寥殊為有名無實查從前兩江各屬被災臣前在督臣任內與撫臣許先後奏請照原定之數暫行減三收捐現在上江鳳穎泗等屬又經藩司包括請循例減收俱經部覆允准在案今淮徐海三屬事同一例應請將此三府州捐監事例亦准減三收捐統于本年歲底為止庶生俊人等踴躍赴捐倉庫漸得充裕于積貯不無裨益又蘇州巡撫陳奏稱江蘇通省節年被災之

地惟淮徐海三府州屬為甚備倫之計亦惟該屬為急合無仰懇  
聖慈俯准將淮徐海三府州屬捐監事例照乾隆三年奏准之案暫行  
減三收捐並循照向例粟穀兼收他屬生俊亦准投捐并嚴飭州  
縣不得混行折收銀兩並不准外省人民投捐自奉

旨日起至來歲三月底止將收過數目造冊報部查核至淮北民食慣  
多二麥樹蔬收穫惟麥獨廣應併准其每大麥一石抵穀一石小  
麥一石抵米一石一體收納似于災地積儲不無裨益各等因具

奏前來查江省捐監事例先于乾隆三年九月內經前任蘇撫許

等奏稱蘇屬被災州縣米價漸昂報捐者少請照原定之數暫行  
減三收捐至次年麥熟時停止仍照原數收納其未被災州縣生  
俊欲向被災州縣納穀者亦准收捐等因經臣部覆准在案又于  
本年三月內據安徽布政使包拯奏請鳳潁泗三屬上年被災之  
後穀價昂貴報捐者少所有捐監事宜循照往例嚴行減三收納  
于本年歲底為止粟穀兼收等因亦經臣部覆准行文遵照在案  
今調任兩江總督那 奏稱淮徐海三屬上年被災之後粟穀昂  
貴報捐寥寥請將捐監事例減三收捐于本年歲底為止又據蘇  
撫陳 奏請減三收捐並照例粟穀兼收他屬生俊亦准捐納外  
省人民不准投捐至來歲三月底為止等語查與乾隆三年被災

州縣減三收捐并現今安徽布政使奏准之例情事相同相應行文該督德 蘇撫陳 將上年被災較重之淮徐海三府州屬捐監事例准照原定之數暫行減三收納粟穀兼收其本省未被災州縣之生後亦准照向例赴淮徐海三府州屬投捐以實倉儲所有停止減捐日期遵照安徽鳳穎泗三府州減三 之例一體于本年歲底為止至該撫陳 奏稱准北民食慣多二麥樹蔬收穫惟麥獨廣應并准其大麥一石抵穀一石小麥一石抵米一石一體收納之處應如所請辦理但麥性溫熱恐難久貯應令該督撫等凡遇動用米穀之時將麥石隨時搭放如有餘存照數易谷

貯倉毋致滯爛可也為此謹 奏請

旨于乾隆七年五月初四日奉本日奉

旨依議欽此

貴州巡撫奏御史孫... 題前... 題本... 旨于乾隆七年五月初九日題本... 旨依議欽此

古于...

古于...

...

採買米穀產地并應買各省臨時各按情形酌定數目互相

咨明委員採買或過價昂臨時的辦 倉穀粒定應貯數

目報部永著為額不敷之數分別補足

戶部為東南米價日昂等事山東司據呈大學士會同九卿題覆

貴州道監察御史孫 題前事等因乾隆七年五月初九日題本

月十一日奉

旨依議欽此該臣等會議得協理山東道事貴州道監察御史孫灝奏

稱臣伏見我

皇上臨御以來屬精圖治知稼穡之艱難悉閭閻之疾苦仁民愛物之

奏

採買米谷一

夏季

誠周于九有而臣竊觀天下之大生聚蓄矣而野不加豐政刑平矣而人不加贍蠲租議賑

國恩厚矣而元氣未充去虐除貪吏治清矣而民生大裕其故何也臣愚以為家給人足事匪易言補偏救弊必審其所尤惠苦者而為之謀則今東南積困未有甚于米價之日昂者也臣浙人也以浙言之前此數十年一石之米其值八錢今則一兩五六錢至一兩七八錢率視為常事是何也一年之資足供兩年之食而今乃倍之其困一矣生齒之籍日盛于前田疇之數不加于昔以地之有定養人之無窮耕九餘三于何取給其困二矣米之糴也必以錢而今錢之昂所在皆是以其甚貴之錢糴甚貴之米物力安得而不屈其困三矣積是數困極重難返因之四民空虛百貨騰踊穀者天下之命一物耗而眾患叢生固其勢也臣聞導水者必于其源治疾者必于其疾之所由起近年諸臣條奏如布蘭泰徐以升嵇璜楊二酉皆言採買妨民所宜停罷其言諸弊亦已甚詳頃又見湖北撫臣范 奏稱外省買運過多價難平減湖撫臣許亦稱官買商運時價日昂皆近事之瞭然明白者然臣上年伏見

皇上因御史朱 之奏

特旨截留江浙漕米八十萬石是採買之困諸臣所切辦而詳言皆

條奏

採買米谷二

聖主所熟籌而深悉特以積貯重大賑糶頓仍官運繁多勢誠不得已于此耳臣思採買之方停之不能則宜稍減其程而毋致于取之太盡倉儲之數缺之不可則宜切定其額而毋使其行之太難臣之愚計一請

勅諭嗣後常平買補前赴江廣等省者應稍立限制穀不得過若干石米不得過若干石多者緊行禁絕一請將新增捐貯穀數合之常平舊額為數太多將來萬難補足者通盤計算奏請再議酌減釐定寔在可行之數飭買存倉如此則採辦不致滋累倉儲不致久懸于官于商于民皆有裨益或謂曩者部議皆言因地因時陸續採買市價增長官即暫停苟遵原議善為經理採買何必議減也

未深長思也夫採買之赴江廣等省也皆緣本地鄰封勢難取給已及江廣志在速成于是聚江浙閩廣數大省之力多者數十萬少乃數萬動帑有數購米有額既奉文至彼未聞中道而還若非原價太懸亦不盡斂手而退故謂善為經理無損商民者直空言耳今之所慮欲停採買不可得而停也然而不停採買採買亦不可得而足也查上年戶部于遵

旨議奏事案內稱各省常平倉糧原議按照州縣大小應額貯穀共二千七百餘萬石又議捐貯穀共三千餘萬石內報部者僅二百五



十餘萬石此其勢萬不能以遽足甚易明也督撫大吏于所屬情形最悉急之不能則姑緩之外雖嚴督之而中亦曲諒之矣假若今年穀貴則請至明年迨明年復貴則又明年幸而三年得補一年之缺而兩年之糶者賑者又積也則補者又積也日復一日其弊困不至于是不止為今之計採買雖不敢議停也而寔不妨議減倉額雖不宜過少也而寔不能過多若採買減米價平民力裕則東南億萬赤子皆在

皇恩

浩蕩中矣竒因前來查倉穀為民命之源積貯為衛民之道故常平貯穀每歲減價平糶以濟民艱一遇歉荒撥運散賑動用之後必俟秋成豐稔或于本境購買或赴鄰封告糶總期乘時彌補源源不匱法至良意至美也惟是採買之方本屬酌盈以劑虛未便損彼而益此故必當視其地之豐歉以為衡審其價之貴賤以為準等其年產穀數之多寡以為通融因時酌宜變通辦理斯糧價不致騰踊倉廩日見充裕是以節年諸臣條奏如布蘭泰徐以升嵇璜楊二酉等皆以採買妨民奏請停罷俱經大學士九卿等議以未便遽停請行令各該督撫總視民有餘粟官為收買如或市價增長及民間一時購買者眾官即暫行停糶因地因時籌畫酌辦并于楊二酉案內議令查明現在存倉穀石何處可以暫停採

買何處未便停止採買確查妥議報部等因欽准遵行又現據湖南撫臣許以產米之鄉未便議停各省採辦然必江廣等省米價果賤而後可以衰多益寡奏請于乾隆七年為始令江廣省分于秋收后将本地附近水次各屬米價每月咨報安徽江蘇浙閩兩廣等省俾得審擇而行即或勢在必買而江廣等省又值價昂只可備咨知會通融籌酌于現在倉貯內酌撥買運俟價平時採買補項等因亦經大學士會同戶部稟准遵行是各省遠赴江廣等省糴買米穀原准價貴暫停且現據勢在必買又准咨商酌撥各省督撫大吏果皆和衷熟籌善為經理自無採辦累民之弊今據該御史孫奏稱採買之赴江廣等省者多者數十萬少乃數萬動帑有數購買有額奉文至彼未聞中道而還若亦原價太懸不盡歛手而退請嗣後常平買補前赴江廣等省者應稍立限制穀不得過若干石米不得過若干石多者概行禁絕等語臣等伏思採買一項原因缺額買補其間有上年動用次年買補者亦有本年春間動用秋後買補者採辦數目在各省尚難預籌則買運限制自不便先行酌定但江廣等省雖于許案內議准咨明米價誠恐該省即值豐收價平該處鄰省採辦至境購額過之彼此爭糴價值漸昂而官辦者又必需足數乃止仍于商民不無滋累

臣等公同酌議嗣後江廣等省將秋收後米穀價值咨報安徽等省之後其江廣米價屬昂各省勢需必買者仍照前議將江廣存倉米穀酌量撥買其酌撥米數應聽咨商辦理外如江廣等省咨報米價平賤其安徽等省有應行買補者該督撫務須臨時酌定採買數目預先咨明江廣等省督撫即行約計本省收成米穀如各省購額無多不致爭買昂價准其照數採辦若有購額過多不便令其全行買補者亦即另行酌定數目咨稟各省督撫其委員奉文到境之日毋得概行照額採買再查米價隨時低昂不一倘委員到境採辦米數已經江廣督撫酌定之後或值一時過昂不便採買若照定數于存倉米內酌撥又恐本省倉貯有虧共如何酌撥并酌撥若干之處亦應聽江廣等省督撫臨時酌量妥協辦理總期于本省鄰省倉儲民食均有裨益以仰體

皇上

子惠元元之至意又奏稱請將新增捐貯穀數合之常平舊額為數太多將來萬難補足者通盤計算再議酌減釐定寔在可有之數飭買存倉等語臣等查戶部各省常平倉額共應貯谷二千八百餘萬石今據現在倉糧奏銷冊報現存倉穀二千四百餘萬石尚有未經買補穀四百餘萬石至捐監貯穀一項先于乾隆三年

欽奉

諭旨貯粟養民乃國家第一要務著各該督撫確查所屬現存倉穀若干足敷本地之用與否若將捐監之例移于本省令捐本色于地方有無裨益各據本省情形悉心妥議若事屬應行即將如何定例定數之處詳議具奏欽此隨據各省督撫陸續遵

旨確查具奏共原議應捐貯穀三千二百餘萬石嗣經戶部尚書海  
奏請停止各省捐穀仍請在戶部交銀將所收之銀抵扣各省買  
穀銀欸等因欽奉

諭旨嗣後仍准在部收捐折色至于外省收捐本色之例亦不必停地  
方積穀不厭其多賑恤加恩亦所時有正未易言倉貯充盈既係士  
民兩便之舉將來亦不必奏請停止欽此遵行在案今查戶部原議  
捐額穀三千二百餘萬石現在各省報部投捐者共穀六百餘萬  
石尚缺額穀二千六百餘萬石此內惟江蘇一省因連遇歉歲奏  
准減三收捐并准銀米穀三項兼收是以所捐較之原定稍有溢  
額安徽一省捐及十分之六四川一省捐及十分之七福建甘肅  
兩省僅捐及十分之三四廣東雲南陝西三省僅捐及十分之一  
二其餘直隸山西山東河南江西浙江湖北湖南貴州廣西等十  
省均未捐及十分之一臣等伏思民為邦本食為民天各省設立

常平時米有額以資賑糶近恐常平不敷又復議增捐額凡皆以  
在官之有餘濟小民之不足自宜預為籌畫以期倉廩充盈誠有  
如

聖諭所云地方積穀不厭其多者然事貴因時制宜變通盡善現在各

省常平捐穀二項寔有難以足額情形又不可不通盤酌核以裕  
倉庾而收寔效查常平向例凡有賑糶動用均需按數購買還倉  
捐穀一項即與常平一體辦理今各省常平倉尚缺額數四百餘  
萬石現需照額買補其捐額缺谷二千六百餘萬石此內之缺額  
過多者大率定額本省分斯即陸續報捐諒難一時遽足未免  
有名無寔即報捐稍多省分如江蘇一省忽謀捐穀五十六萬

石嗣因銀數兼收合計該溢額穀一十六萬餘石此內報捐米  
穀僅二十餘萬石其餘皆屬折色此項折色原係題明官買還項  
則捐額雖足仍與缺額無異兼以江蘇被災州縣現在仰沐

皇恩賑恤格外頻加倉糧半多缺額將來常平之賑穀必需買補報捐  
之賑穀必需買補而捐收之折色又必需買補買額日多採買日  
難勢必轉輾遷延年復一年而後此之續有賑糶者又需買補則  
即江蘇一省之難以足額其他各省已可概見此非額之難足以  
定額過多而買補匪易故常見其不足也且各省田疇止有此數

所產米穀積豐收亦止有此數米穀不積于上則流于下即如江蘇報捐銀多穀少外省捐穀均屬寥寥亦可知穀貴之病各省皆然故積于官者惟當約計其地足以稍資備貯并使乘時購糴易于彌補則官辦不難而民間米粟有餘流通無滯糧價自見均平始于倉儲民食兩有裨益况積穀一項備荒為要平糶次之夫天時豐歉原自難齊而大荒連歉究非常有之事向來未議增捐貯穀以前各省遭值偏災俱于常平額穀內分撥散賑未見不敷接濟若偶遇非常災沴加恩賑恤亦時見各省督撫以四鄉遙僻撥穀繁重奏准銀數無幾蓋因其時待賑孔亟運穀維艱不若分給以銀正可令其隨便買食以資日計則賑銀與賑穀其為利濟災民無異今臣等悉心酌議各省常平額穀定例定數遵行已久自不便任其缺少原額所有捐穀一項在缺額過多省分與其定一難足之額以存虛名不若議一可足之額以歸實用在報捐稍多省分與其常需採辦而時懸一萬難補足之額以虧倉貯不若酌量釐減而確核一易于買補之額以寔

**國**儲惟查各該督撫議覆捐穀案內其中各府州縣多者議增十萬八萬至一二萬石不等少者議增八九千石至二三千石不等今臣等若遽行酌減更定誠恐各省情形不同或有未能確當應請

行令各省督撫查明各屬常平分貯舊額并議定增貯捐穀新額  
務須各按地方大小分別戶口繁簡及水次遠近情形再行逐一  
較核通盤籌算如常平舊額穀數酌量可敷該處備貯者即仍以  
常平舊額為額如常平舊額之外有必須議增捐穀者即于原議  
捐數內另行酌定併入常平舊額內為額統將詳細核明實在應  
貯倉穀數目分晰造冊具題報部永著為額再查此項額貯穀石  
既經酌減釐定自不便再行缺額請令定額之後即將各府州縣  
衛所現存常平穀石合之各該處現存報捐穀石一并計算如該  
處現存穀石尚不敷所定之額若係賑糶動用之項俱動存貯應  
行買谷銀兩照數採買則倉若該處本無應行買補穀石者不取  
在捐穀者仍俟陸續報捐穀內抵補至合計各該處現存谷石已  
敷所定之額仍有額外捐貯穀石設遇賑卹即行動用毋庸買補  
其餘現存糶價及凡應貯買穀之項俱即查明報部解交司庫存  
為賑恤之用再足額之後凡有按年平糶及散賑動用之處俱令  
報部于應行買補之時即查明該處續捐穀石儘數抵補若抵不  
足數即將應買價值解司貯庫以備賑恤如有不敷轉飭各屬查  
明若係糶數不敷即動原價買補若係賑穀不敷即行請領貯司  
備賑銀兩買補還倉報部可也

條奏

採買穀石十

七年

秋季





平糶之時酌量情形應減若干之處預行奏聞請旨今朕再四思維  
地方當飢饉之時黎民乏食朝廷百計區畫方且開倉發粟急圖救  
濟一賑再賑以安全之豈有于平糶一節預防奸民之賤糶貴糶不  
為多減價值而使嗷嗷待哺之窮民仍復艱于餬口乎况赴倉糶買  
官米與赴店經買市米其難易判然又可歷數銀色有高低之不等  
跋頭有輕重之不同道里有遠近之各殊守候有久暫之莫定此在  
平時且然何況年荒乏米之日若官價照市價零為減少則折差幾  
何是國家徒有平糶之恩而閭閻未受平糶之益也朕痼疾在抱言  
念及此再行明白宣諭凡各省大小官員皆朕設立以牧養斯民者倘

于此等要緊政事視為具文苟且塞責則罪不可追嗣後務將該地  
方實在情形必須減價若干方與百姓有益之處確切奏聞請旨至于  
奸民當歉收之年圖利囤積將官穀賤糶貴糶則惟在州縣官嚴行查  
拿倘或踈漏隱匿諛督撫即刻嚴叅從重治罪是亦並行而不悖也  
欽此欽遵

諭各督撫等欽此  
欽此欽遵



米穀充裕即三七之數亦可不需如粟少價昂則安得以存七糶三  
目為額數今許容所轄一省如此錯悞或他省有似此者亦未可定  
原申備各督撫等文令指容奏稱目今青黃不接身軀實屬艱難  
當多躡以齊月身母學師與弟與弟與弟與弟與弟與弟與弟與弟  
長謀必胡雲變計尋常無事言必苦此亦米也實是之謂也  
土儲谷常平倉雖以輸月開辦急之需善圖存小躡三谷氏出刺  
上諭事江西原業呈請劉子平六月二十四日內閣奉  
六准為欽奉

為民籌經久優裕之法

戶部為欽奉

上諭事河南司察呈乾隆七年六月二十七日內閣奉漢字

上諭周禮太宰以九職任萬民一曰三農生九穀二曰園圃毓草木二

曰虞衡作山澤之材四曰藝牧養蕃鳥獸其為天下萬世壽臚足之  
計者不獨以農事為先務而兼修園圃虞衡藝牧之政故因地之利  
任圃以樹事任牧以畜事任衡以山專任虞以澤事使山林川澤印  
陵之民得享山林川澤印陵之利夫制田里教樹畜岐周之善政管  
敬仲亦云積於不涸之倉者務五穀也藏於不竭之府者養桑麻育

上諭

為民籌經久法

六畜也如果園圃虞衡藪牧之職以次修舉于民生日用不無裨益  
國家承平日久生齒日繁凡資生養賂之源不可不為亟講夫小民  
趨利如鶩亦豈甘為惰窳舉山林川澤天地自然之利委為棄壤哉  
良以疏闢之初豪強既羣起而爭管業之役奸民又多方戕賊地方  
有司每視為貲產細故不為申理此所以寧荒其業耳督撫大吏身  
任地方所當因地制宜及時經理其已經開墾成熟者加意保護或荒  
墟榛蕪以及積水所滙有可疏闢者多方相度籌畫俾地無遺利民  
無餘力以成經久優裕之良法至于竭澤焚林并山澤樹畜一切侵  
盜等事應行禁飭申理之處轉飭地方官實力奉行該督撫不時稽  
察務令從容辦理以期實效毋致絲毫滋擾尤毋得日久因循以仰  
副朕惠眷斯民之至意欽此

高宗上曰楊亦不詳

戶部為傳

古連 職具奏事乾隆七年二月七日內閣抄出  
余御史王與各奏前事內稱巨關開墾  
凡指租賦賦又廣為積貯加之賑恤所以

利如舊亦宜甘為情願舉山林川澤天地自然之利為吾民之利  
以疏開之初意既廢而官督其之役民又多方賦稅地方  
有司每視為當然細故不為由理此所以弊益其業耳督撫大夫才  
地方所當因地制宜及時經理其已難則更成難者如墾墾或荒  
廢以及積水所滙有可疏開者方相宜其官督其地無遺利民  
歸報惠眷燕月之至意煥此

嗣後收漕州縣務將乾圓潔淨之米選充上船倘有借查驗  
之名故意勒措刁蹬不收或挽和不堪之米濫行收兌者該  
管上司揭參治罪

戶部為遵

旨速議具奏事乾隆七年七月初七日內閣抄出巡視西城雲南道監  
察御史王興吾奏前事內稱臣聞惟辟王食下所以奉上之義也  
既捐租減賦又廣為積貯加之賑恤所以紓民力而濟其窮者惟  
恐不周則小民惟正之供入粟制用自宜寔堅定好上貢

天庾使經費有資而倉儲無缺

奏

請禁征清詔獎

國家轉漕以寔京師裕軍寔而充祿廩所關甚鉅向來征收米色必  
取乾圓潔淨其潮濕細碎及挽和糠糲沙土者皆不准收納上年  
欽奉

恩旨恐收成未穩獲紅白兼收之例令可以支給廩糈者即准收納此  
我

皇上軫念黎民加意勤恤使便於輸將所以施格外之仁非謂紅白兼  
收即可以仍腐充倉庾之用乃今年交倉漕糧泗州運到之米不  
但色已改變甚且挽和沙土是有交倉之名而無儲用之寔其辦  
理之未善不問可知臣竊思太倉之粟陳陳相因寧使有餘毋使  
不足地方即遇水旱寧令帶征更不得已則為蠲免而應收之米  
色斷不可假借若初收之時即係壞爛則以此截留而民不沾寔  
惠以此交倉而官不免分賠不但倉儲難以久貯即交給亦屬空  
名且揆之經國大計尤不可啓因循之漸前奉

諭旨差戶部堂官將各倉查驗已經侍郎彭 查出米色潮濕挽以草  
土者復有數處現在交部定議蓋因上年奉有

恩諭遂謂米色可以通融不但寬其成色弄不堪交放者亦以應貢恐  
不獨下江為然矣臣愚以為民間完糧每先自篩簸始行上納謂  
米色不純則可謂沙土草屑以之作糧則不可此其故恐不在民

或係吏胥乘機侵蝕而以沙土充數不則得受使費通同濫收抑  
或運丁沿途換和皆所不免夫地方有司承

上德意必上籌

國用下恤民間始為奉行之善若辦理稍不妥協則名為遵

旨其寔未達

聖意鮮不悞公而累民前者一聞紅白蕪收則壞爛者亦收其弊在于  
悞公今一聞查驗將來徵收之時又必借此勒措其弊又在于累  
民悞公新乎不可累民亦宜並禁臣嘗見向時各處征收漕糧百  
弊叢生適年以來始漸禁革即如從前江南收漕其耗米日漸增

添有至加三加五者雖上司頒定斗斛印烙分明而奸胥每先寔  
以乾豆用水澆灌令其脹大或暗行錐薄或錐擊使闊斛樣雖存  
其收日益尤且脚踢淋尖種種弊端難以枚舉此外胥役之勒索  
倉戶之征求無名襍費苛取無厭推求其故小民之甘于重耗者  
皆緣動以米色不堪不准收斛為辭使延擱經月不能完納鄉愚  
苦于資斧等待無期不遂其欲自蒙

世宗憲皇帝洞悉奸貪嚴諭剔除經巡撫尹 立法懲治諸弊盡去漕政  
為之一清至今守而不易民甚便之臣恐不肖吏胥聞米色近奉  
查驗或借此滋弊亦未可定伏乞

皇上勅下各督撫嚴飭地方有司凡漕糧米色務令乾圓潔淨併干將  
屆征漕之時即行出示曉諭令完糧各戶預備好米開倉即收毋  
致臨期退換其有本係乾圓潔淨而故意留難刁蹬以索陋規者  
立即嚴行叅究如此則正供不致有悞而諸弊又不致復萌似于  
漕務均有裨益等因乾隆七年七月初五日奉

硃批

這所奏是該部速議具奏欽此欽遵到部該臣等查得雍正五年  
一月內據調任倉場侍郎托 等以漕糧起運首嚴揀襍在州縣  
征收非乾圓潔淨不收糧道查驗非乾圓潔淨不允旂丁領運非  
乾圓潔淨不領過泮之時或有揀襍總漕將經征州縣及監兌各  
官查叅是逐節查驗米色斷無有不純者乃到通仍不免於揀襍  
則是孽生于過泮之後而督運同知通判係該省糧道崇委押運  
抵通之員豈可漫不經心一任旂丁揀和請嗣後糧艘到淮遇有  
揀襍總漕將經征州縣查叅到通之時遇有揀襍倉場將押運同  
知通判查叅等因經臣部覆准在案又乾隆元年七月內據御史  
蔣兩條奏州縣征收漕米到倉時該州縣隨到隨收不許蠹役留  
難刁蹬踢斛淋尖等弊概行嚴革倘有陽奉陰違該管道府不時  
稽查訪察如有徇隱該督撫即將道府等一併叅處又乾隆二年  
七月內據吏科給事中馬宏琦條奏收納漕糧不許浮收斛面以



及留難刁蹬踢斛林尖等弊又乾隆五年七月內據監察御史馬丙條奏江南各州縣交納糧米多有勒索加派更煎敲鬆斛身淋尖脚踢暗窳明求弊端百出請

旨嚴禁等因俱經總理事務王大臣九卿及臣部先後覆准行令有漕

督撫總漕實力奉行嚴加查禁各在案又乾隆六年十一月內奉上諭今年下江地方秋間雨水連綿其收穫之米谷顆粒米色白不免稍減除已降旨截留本省漕糧外所有應交官之米石不必照往年較論從前原有紅白兼收之例該地方官酌量可收即日收兌至于抵通之後或慮此等米石不能久貯即先發為俵餉之用可速傳諭

該督撫及漕運倉場總督知之欽此欽遵亦在案今該御史奏稱民間完糧每石自篩簸始行上納謂米色不純則可謂沙土草屑以之作糧則不可此其故恐不在民或係吏胥乘機侵蝕而以沙土充數不則得受使費通同濫收抑或運丁沿途挽和皆所不免前者一聞紅白兼收則壞爛者亦收其弊在于候公今一聞查驗將來征收之時又必借此勒措其弊又在于累民候公斷乎不可累民亦宜並禁臣嘗見向時各處收糧百弊叢生即如江南收漕耗米日增有至加三加五者雖上司頒定斗斛烙印分明而奸胥每先寔以乾豆用水澆灌令其脹大或暗行鑿薄或鎚擊使濶斛樣

雖存其收日益尤且脚踢淋尖種種弊端難以枚舉此外胥役之勒索倉戶之征求無名襍費苛取無厭推求其故小民之甘于重耗者皆緣動以米色不堪不准收斛為辭使延擱經月不能完納鄉愚苦于資斧等待無期不得不遂其欲自蒙

世宗憲皇帝洞悉奸貪嚴諭剔除經巡撫尹 立法懲治諸弊盡去漕政為之一清臣恐不肖吏胥聞米色近奉查驗或借此滋弊亦未可定伏乞

皇上勅下各督撫嚴飭地方有司凡漕糧米色務令乾圓潔淨并于將屆征漕之時即行出示曉諭令完糧各戶預備好米開倉即收毋致臨期退換其有本係乾圓潔淨而故意留難刁蹬以索陋規者立即嚴行叅究等語查漕糧為

天庾正供自應慎選好米交兌倘將細碎潮濕不堪之米混征充數則由受兌過淮以致抵通例經糧道總漕坐糧廳倉場等查驗米不乾潔并摠和沙土等弊即應分別將經征監兌押運等官叅究追賠定例綦嚴至小民輸納漕糧吏胥浮收斛面以及脚踢淋尖勒指諸弊卽據御史蔣炳等先後條奏俱蒙准通行禁革現在遵循辦理今年江南泗州滁州二郡運進豐盈等倉漕糧緣米色不好欽奉

條奏

請禁征漕詩弊六



新批

五月十八日交部

災賑事宜

戶部為遵

旨家議速奏事江南司案呈內閣交出兩江總督鎮國將軍宗室德

條奏上下兩江被水賑卹事宜一摺乾隆七年七月十六日奉

硃批大學士會同該部密議速奏欽此欽遵于本月十八日交出到部

臣等會議得兩江總督鎮國將軍宗室德奏摺內開一稱極次貧宜酌量變通也查地方被災有司各官勘報分數原為蠲緩錢糧至于賑卹米穀則當勸其貧乏情形以定月分深淺壟畝之家有被十分災而尚可苟延者有被六七分災而朝不謀夕者更有

條奏 災賑事宜一

全無寸土專事傭工力作一經區里被災即難存活者此情形之不同而辦理亦當斟酌也乾隆五年經部議覆按被災分數預定應賑月分固已章程該備矣但一邑之中被災不過偏隅而成熟之區係然豐稔境內米糧自不以一隅歉收因而缺少貧民糴買不致騰貴則被災雖重尚可支持即少賑一月民不以為苦若被災分數雖輕境內絕無豐稔之區米少價昂買食無資即欲傭工度日苦無棲託之所若仍拘定成例將成災分數錯綜計筭恐不免偏枯不均矧無田窮民尚得邀

**恩賑** 卹者必按分援賑則彼本無田地被災安有分數可考將捏造分

數以給賑乎抑竟不加賑乎更有一戶田地被災輕重不一者又當何如核定分數乎細加籌酌似乎未洽請仍遵舊例分定極貧次貧挨查災戶景况以定賑卹月分毋庸過為區別則輕重不致失宜等語查先經戶部摺奏夏月被災如秋禾種植可望收成者統俟秋獲確勘分數另行辦理其間或得雨稍遲必須接濟者應令該管督撫酌量或借籽種或貸口糧以示軫卹至秋月被災六分者應擇其極貧者加賑一月被災七八分者應擇其極貧者加賑兩個月次貧者加賑一個月其被災九分者應擇其極貧者加賑三個月次貧者加賑兩個月其被災十分者應擇其極貧者加

賑四個月次貧者加賑三個月等因奉

**旨**此奏依議賑濟之事最關緊要固不可不先定條例以便遵行然臨時情形難以預料雖定例千百條亦終不能該括惟在該督撫因時就事熟籌妥辦欽此欽遵通行在案續于本年三月內經大學士九卿議覆廣東道監察御史李清芳條奏內以按分酌定大概者部臣權衡之法隨時加增散賑者

**聖**主浩蕩之恩嗣後各省被災既有戶部原定條例便于遵循倘有必需額外加賑之處即欽遵前奉

**諭**旨熟籌妥辦等因遵行亦在案是戶部按照被災分數酌定加賑規條原就州縣一區面合計災損幾分即為補救幾分而言至于戶口貧乏不一待哺情形各異是以戶部原定例內今其于被災分數中又行勘明極貧次貧以定月分多寡則有地之家與無田之戶均在分別等次酌量周卹之內方該督德所奏只就極貧次貧賑卹無庸過為區別殊不知賑卹條例自六分以至十分輕重不同月分遞加倘不按照分數查辦將被災較輕之六分七分例賑一兩月者亦可與被災之九分十分同賑三月四月矣即被災較重之九分十分例賑三四月者亦可與被災之六分七分祇賑一月兩月矣是使勘災給賑漫無一定章程其間承辦員後奉行

果否合宜。憑何稽核。况查此案現據該撫陳會同該督疏稱。先行撫卹一月。外極貧者再行加賑。兩月次貧者普賑一月。其九月以後視地方秋成情形斟酌辦理。業經戶部定議准行。應令遵照原題悉心妥辦。該督此奏更定賑濟條例之處。事屬難行。應毋庸議。一稱外出流民宜隨處自養。安插不宜遷回災境也。查被災地方踏勘分數。查造飢口。均需時日。在災民或因不及領賑。預期逃荒者。或本有手藝。可圖出外謀食者。或有親友在外。前往相依者。或覓他處傭工。異圖自存者。蓋其輕視沈離甘心客徙。亦以異地之謀生較易。災鄉之覓食維艱。時待

恩膏終非長策。小民自謀衣食亦已籌之熟矣。乃限于咨送之例。此處方去彼處。旋即送回。以致逐隊成群。奔彼道。路苦不可言。若謂此等災民慮其遠出生事。則散之各處。而可慮者豈聚之一處。而反得安靜耶。且天下大勢。以人自養。則有餘。以官養民。則不足。與其處被災之地。而仰食于官。何若逐樂往之方。而以自養。方今天下一家。此疆彼界。何必區分。即前任督臣楊具奏亦止禁結隊成群。出外生事。為匪者。其他則不在禁例也。今者不論是非。概行資送。似屬過當。請嗣後被災飢民。暫出外省謀食者。除生事為匪外。其餘人等。即令所到之地方官撫綏安插。不得遷回異地。災黎謀

生得計等語查乾隆五年五月內經大學士會同九卿議覆原任江蘇布政使徐士林并御史張條奏案內凡災民情願回籍者于春融時即行資送其並非因災而出之民一概停其資送如因本地全無生計外地轉可覓食不願回籍者悉聽自便不必勉強拘送或其中有願俟秋熟後回籍者應聽其自便其因奏准通行遵照在案應令該督遵照定例咨明隣省督撫轉飭所在地方各官如有流民情願回籍者即照例動用有公銀兩及時資送回籍倘有手藝營生親友可依本地全無資產外地轉可覓食者聽其自便不得概行資送致滋繁擾一稱賑濟以折銀為便必須平糶並

行也賑恤災民向來或銀或米或銀米兼給不外此三者然賑卹原以療飢似宜金給米糧以資糊口惟是災黎貧窘百出有非徒米所能了事者若柴薪棉衣為服食之所不免勢必將所領賑米賤價急售一至乏食轉費周章此專給米糧之未便也至折銀散給固為乏用之便矣但時值荒歉米價必昂所折之數未必敷時價窮民領得此項即使販賣蔬薪日覓蠅頭然所獲無多究不能供目前之貴米是專銀折給亦未盡善也若銀米兼賑似可調劑矣然民情不同趨向各異其素志經營生計者則意在領銀備工力作之人則又意在領米願欲參差未能各遂且在官辦理既



不能分身兩途并不敢假手書役而領賑窮黎兩頭分領奔走守候轉難適從是銀米兼給亦未為調劑之咸宜也再四思維莫若給銀折賑而平糶隨之在窮民領得賑銀依此為命逐日酌糶官米自與時價大相逕庭即得節省些微亦可為肩挑小本且散賑既已折銀則倉廩自必充足即可隨時出糶以紓民困固不必定在春夏之交是折銀既足贍窮民之生計而平糶又不致買高昂之米穀酌盈濟虛似為善策至于應糶月分若干應減價值多寡當視民情緩急米價低昂擬于臨時斟酌該州縣一面報明上司即行辦理其需用倉糧先儘本處所存如有不敷再于隣近協撥

則倉廩不致大虧而窮民亦均沾寔惠等語查常平積穀原以備地方水旱之需直省查辦賑務均係給發本色以卹貧黎其間或因倉穀不敷題明搭放銀米此係隨時變通辦理是以例內只有以米散賑並無以銀折給之條至常平出糶原因青黃不接之時米價昂貴故官為減糶以平市價是以歷來秋月散賑亦並無兼行平糶之例若照該督德所奏將飢民應領米數扣存在倉祇行折銀給賑仍令飢民持銀再赴官倉買米其事既屬曲折難行且災黎貧窘百出萬一所領之銀到手花費則糶米仍屬無資即使赴廠購買是官發銀一時民糶米又一時其間擁擠守候勢所

不免又何如按照定例給發本色俾飢民領米即供養殮便宜可行也况查賑卹灾戶原屬計口授食若一經官為設廠則戶口無論貧富舉可赴糴江省倉廩連年動用已多而目今方屆秋月即行出糴徂冬歷春為日方長迨至明歲賑務既停例應發糴之時轉致無項接濟尤屬未便該督德 所奏折銀給賑兼行平糴之處亦毋庸置議一稱寒冬歲暮宜多設粥廠廣行救濟也查地方被灾雖已給賑然荒僻鄉村不無老疾窮民大路往來類多孤貧流丐設立粥廠以資拯濟原屬救荒之一策但被灾州縣開設粥廠多有開設未久而旋即收歇者揆厥所由緣所設之廠大率在

于城廂樵踏及大路輻輳之處以致離廠遙遠者勢難忍飢就食而附近往來之人又毫無區別終日在廠擁擠欲求安靜勢所不能故每致有名無寔應請嗣後因灾煮粥于城廂大路不甚嘈雜處所量設數廠委員辦理其餘鄉村被灾較重風土貧瘠之處或二三村或三四村不出數里之外酌量設中之地分設廠所即遴舉該處誠寔紳士數人如社長法共司其事設立粥票將應賑日期逐日刊刻票內除已經領賑及本不應賑之人並年十五以外五十以內者概不給票外其餘老少殘疾孤寡無依朝不保暮報名填票給發每日執票到廠驗票給粥即于日期之下印用領訖

載記則費不煩而惠自廣且無冒濫擁擠之事等語查雍正六年九月內經九卿議覆萬載縣知縣許松佶條奏賑卹事宜案內以設廠煮賑原係酌量地方大小道路遠近或設廠四五處六七八處不苛但離城僻遠之處地方官不能親身監賑胥役作奸減糧偷盜百弊叢生嗣後除附城市飢民照常煮賑凡遠在四鄉在附近二十里之內各設米廠一所仍照煮賑成例計米按口一月一領唱名給票等因通行在案是冬月煮賑向例原就地方遠近酌量辦理嗣因僻遠之區稽察維艱是以令其于城市及四鄉附近處所設立所以杜冒濫遺漏之弊今該督德以附在城鄉襟帶

擁擠以及離廠遙遠窮民難于就食奏請于鄉村地方多行分設廠座固屬便民之一法惟是摺內所稱遴委地方紳士共司其事在伊等以本境之人承辦本境賑務而地保鄉長素非管轄一應領出薪米是否寔用該能彈壓稽考應請行令該督德再行勘驗被災地方情形如果應行者煮賑不妨多設粥廠但必須照例委官稽察勿致胥吏扣剋侵蝕仍俟屆期題明辦理一稱災民戶口宜立法確查也查成災頃卹分數止便于蠲免錢糧在散給賑糧全在清查戶口若不源既清則一切開賑賑糧嚙手可辦乃被災地方每有刁民一經挨查即群聚鬧鬧以致分戶重票鬼名冒濫之

條奏

荒

弊在所不免夫冒濫既多則遺漏自有而鄉保人等亦得以包攬  
需索矣查上下兩江俱行保甲門牌烟冊自必齊全應于勘明成  
災之時即以烟冊查核民之貧富按籍可稽並令該府縣責成庄  
主如無庄主即選舉誠謹紳士將同村庄庄民挨戶分別極貧次貧  
大小口數于門首用石灰大書不假里脊之手官員至時挨對烟  
冊逐戶登填冊內遇有虛捏即行刪除庶遺濫之弊稍杜等語查  
雍正六年九月內經九卿議覆原任江西萬載縣知縣許松佶條  
奏賑濟事宜案內嗣後查報賑濟戶口之時飭令各該州縣同佐  
貳雜職等官分地查報逐戶登填以杜朦蔽捏造之弊行令各省

硃批

冊每頁二厘等語查被災輕重原有不同則勘定盤費自難畫一  
是以從前上下兩江俱係該督撫各按地方情形自行動支其酌  
給細數尚未報部無憑懸擬應仍令該督臨時斟酌給發將用過  
存公銀兩數目統于賑濟奏銷案內報明戶部查核可也等因乾  
隆七年八月初三日奏本日奉

依議速行欽此

條奏

災賑事宜十一

奏

文報律直十一

與在似不免夫自溫既多則遺漏自有... 需索矣查上下兩江俱行保甲門牌烟册自必齊全應于勘明... 災之時即以烟册查核民之貧富按籍可稽並令該府縣責成在

補

補補補補補

創以辛八月三日奏本日奉

奉公衆兩嫌目趨干眼齋奏離案內婦即... 長心對前工不西... 毋每頁二聖若詰查辦更疎重否... 不假里脊之手官員王時味對烟

各關向征船料者照例征收 向不征船料者豈可因免米豆

之稅而轉加征行文各關一體欽遵

戶部為欽奉

上諭事貴州司案呈乾隆七年八月初六日內閣奉

上諭朕愛眷黎元特沛殊恩將關權米豆等稅悉行蠲免以為克裕民

食之計但船料一項議論不一見發九卿會議尚未覆奏朕思此事

並無難辦之處向徵船料者應照例徵收向不徵船料者豈可因免

米豆之稅而轉加徵船料著該部即速行文各關知之欽此欽遵

本月初八抄出到部相應通行當關督撫監督一體遵照可也

各關向征船料者一

七年

上諭

卷

會之博野縣林一取精餉不一良發八帳會籍尚米費奏報以此專  
土儲規受卷恭示林而恩部開辦米且苦極恐行臨良以無定款引  
上儲軍費此而恭呈請前以平八民所六日內開奉  
大治萬世奉

土籍而轉以五許文各開一歸燈

各開向五籍林各開向五籍林各開向五籍林各開向五籍林

漕糧換和草根沙土米色惡劣委官驗看者此皆旗丁沿途  
作弊與百姓無涉或辦糧州縣過于吹求受免弁丁借此  
刁難需索則小民受累不淺行文有漕督撫留心稽查

戶部為欽奉

上諭事雲南司案呈乾隆七年八月初七日内閣抄出奉

上諭前因京倉漕糧有一二處米色甚屬惡劣且有換和草根沙土者  
是以派委戶部堂官等細加驗看將該管官分別議處此皆漕運總  
督及倉場侍郎辦理疎忽沿途旗丁作弊之所致與完糧之百姓毫  
無干涉或辦糧之州縣于收糧之時因此過于吹求而受免之運弁

上諭

漕糧換和一

七年

旂丁又借此刁難需索則小民受累不淺矣該部即行有漕督撫令其留心稽查倘有此等情弊即行查奏欽此欽遵到部相應移咨有漕督撫欽遵

諭旨內事理施行

文聞內外簾官酌量調取江南供給官減去二十四員仍留二十五員辦理

戶部為請酌減印官之差遣等事江南司案呈內閣抄出安徽巡撫張 奏前事等因于乾隆七年五月二十五日奉

硃批該部議奏欽此欽遵于六月初九日准吏部將原奏咨送到部該<sup>臣</sup>等會議得安徽巡撫張 條奏州縣交代傳其委員協盤監賑之員分別派委等事列款具

奏前來一摺奏稱交代之不必協盤也州縣交代向例專責知府直隸州督催原無委員協盤之例江省經前撫高 條奏遇有交代委

員協盤於是署員與舊任交代即須協盤新任與署任交代又須  
協盤是一州縣缺鄰封印官必有兩次差委究之錢糧清楚者自  
易交收其不清楚者仍須叅處叅處之時又並不及協盤官姓名  
殊屬虛設嗣後請悉照例專責該管知府直隸州督催停其委員  
協盤鄰邑免于曠廢等語<sub>臣</sub>等伏查雍正七年四月內經署西江  
總督范 等于酌議會查江蘇虧空案內題明各屬倉庫錢糧交  
盤之時新任之員不能歷練恐被前官胥役欺朦應委員協查經  
戶部覆准嗣後無論繁簡道府州縣官新舊交代俱委員協查依  
限結報倘有通同徇隱事發之日將協查之員照徇庇例議處等

因在案續于乾隆二年十一月內經原任內閣學士兼禮部侍郎  
陳 奏請州縣之交代宜令知府直隸州盤查出結停止委員盤  
查如有不清即行揭叅等因經九鄉議奏以州縣交代概行責令  
知府知州親身盤查倘遇所屬之內正署疊更並有三四處交代  
知府等官即專辦交代一事尚且竭蹶不遑又奚暇顧及別項公  
務揆諸事勢似屬難行應毋庸議等因亦在案查委員協盤原恐  
新任之員不能歷練是以會同稽覈用杜欺朦虧空之弊至知府  
直隸州知州督率各屬盤查寔有不能兼顧之處九鄉于題覆陳  
條奏案內所議已屬明悉業經通行遵照如謂州縣公出則本任



職守易致曠廢殊不知州縣監盤多係于鄰邑地方就近差委並非令其隔屬調遣曠時廢事且查新舊交代例係舊任之員一切經手錢糧收支各款造具清冊移交新任查核其監盤之員會同點驗數目無虧即可據寔結報其間道路往返為期不過數日仍得回任辦事何致有誤職守若云收支不清向不叅及協盤官職名第查定例內開官員交代遲延上司督催不力罰俸六個月又定例內開錢糧或有虧缺協查之員不行詳揭事發照例處議處是州縣平時虧空知府例有稽查之責至新舊交代督催則責成該管上司虧缺則處分協查之員法制相維原屬盡善何得以歷來遵循定例謂為虛設應將該撫張所奏停委協盤之處毋庸議一委員會審之宜詳核也承審案件例由本管州縣審解知府直隸州覆核詳司必係疑難之案方准委員會審乃江省不論罪之重輕事之難易動報委令別州縣會審又屢駁覆審致各員奔走不已及別邑之案審明而本邑之案反致遲擱嗣後果係疑難重大之案本管州縣不能審明者該府州縣將難審緣由詳請按察司查核明確一面遵員會審一面詳報督撫存案如查係尋常易審之案件即行批飭不准濫委則審案各有專責屬員得免奔馳等語查州縣事務殷繁此疆彼界各有專守果有疑難重大案

件本管州縣不能審明者白應另委賢員會同詳審若尋常易結事  
件亦濫行派委別邑之案審明而本邑之案遲擱顧此失彼誠屬  
事勢所必至應如該撫所請嗣後承審案件果係疑難重大又本  
管州縣不能審明者方准詳請上司委員會審若止係尋常易審  
事件即批飭審擬完結毋得混行詳請上司亦不得濫行派委致  
滋煩擾如此則屬員各有專責而職守無曠廢之虞矣一監賑之  
員宜分別派委也勘災監賑固屬重務然勘災止查驗一遍為日  
尚淺監賑則有撫恤正賑加賑經歷救濟又慮貧民易于耗費或  
按川分散或兩月并給且四鄉設廠周流監放非逾數月不能告  
竣監賑之員久居別邑本任之事曠誤日多嗣後請分別派委如  
飢口數止千百者動用錢糧無多既有本管印官應止委州司州  
判縣丞等官監賑足以辦理其飢口在數萬以上者應委同知通  
判監賑如同知通判不敷分派擇附近事簡之縣派委其事繁之  
處仍停其派調等語查直省地方偶遇災侵賑恤例係委員散賑  
以期災民均沾惠澤嗣于乾隆二年九月內據該撫張于湖北  
巡撫任內條奏被災散賑一摺經王大臣會同戶部議覆嗣後凡  
遇賑濟於鄉城設廠至州縣官親往散給倘州縣一時不能分  
身兼顧該督撫即另委賢員前往協同散給等因通行在案今該

撫又稱監賑之員久居別邑本任之事曠誤請嗣後飢口數止千  
百止委州同州判縣丞等官其飢口在數萬以上應委同知通判  
等語伏查前次王大臣會同戶部原議內開祇令派委賢員並未  
拘定州縣正印原在該管督撫臨時相度机宜斟酌派委若照該  
撫此奏將監賑一項限定佐雜等官殊不知地方公事惟賑務關  
係最重倘佐雜之中或不敷差遣及一時不得其人而鄰近州縣  
正印又復拘于成例不便通融派委萬一承辦周章轉非仰體

**皇上**軫念民艱救災拯困之至意應請嗣後散賑仍照定例遴委賢員  
辦理所有張 此奏應毋庸置議一節官之宜減調也各省武闈

內簾同考官不過四員獨江南武闈內簾同考官用至十二員又  
恐事故不到加倍調取至臨期掣係空簽方令回任 上年主試  
武闈弓馬技勇合式入三場者止一千五百餘卷每房分閱一百  
餘卷訪查從前各科卷數大畧相同寔屬房多卷少殊覺閑冗請  
減去六員每員分閱二百餘卷甚屬從容不慮草率至文闈內外  
簾官共用四十五員雖無可減向例加倍調取九十員先期聚集  
省城迨臨期照額點取入簾方將餘剩之員退回計其道路往返  
已歷一月有餘且調取過多每有一府之中印官全行赴省無一  
在任者亦非慎重地方之道查科場正務苟非大故疇敢推諉原

不必加倍調取嗣後令布政司酌量詳調每十員止餘調一二員仍將附近省城之員停其派入以備臨時添補則闈員足敷應用而州縣亦可各勤職守再文闈供給官各省不過數員而止獨江南文闈供給官用至四十九員以致通省佐雜調取大半亦覺太煩且巡檢駟丞均有查緝盜賊管理夫馬之責曠缺過多亦屬不便并請嗣後江南文闈供給官酌用二十五員省去二十四員雖比舊減半而較之他省已屬倍多必無不敷之患而要地亦不致貽誤等語查直省武闈鄉試內簾官向係四員今該撫疏稱各省武闈內簾官不過四員獨江南武闈內簾官用至十二員查江省

武闈合式入三場者止一千五百餘卷每房分閱一百餘卷訪查從前各科卷數大畧相同寔屬房多卷少殊覺閒冗等語應如該撫所請准其減去六員仍留六員分房閱卷其各省文闈內外簾官向例加倍調取今該撫疏稱調取之員先期聚集省城迨臨期照額點入方將餘剩之員退回計其道路往返一月有餘且調取過多每有一府之中印官全行赴省無一在任者亦非慎重地方之道查科場正務疇敢推諉原不必加倍調取等語應如該撫所請嗣後不必加倍調取酌量每十員餘調二員仍將近省之員停其派入以備臨時添補至文闈供給官該撫疏稱各省不過數員

旨依議欽此

而止獨江南文闈供給官用至四十九員以致通省佐雜調取大半亦各太煩等語亦應如該撫所請減其二十四員仍留二十五員辦理供給可也等因乾隆七年八月初六日題本月初九日奉

場員大使新舊交代照州縣例勒限兩個月交盤造冊由該管分司具結申詳運使加結呈詳鹽政咨報部科查核逾限未清分別叅處仍照限清交冊報如有侵虧嚴叅究追

戶部為請定場員交盤之例以慎重錢糧事山東司案呈內閣抄出本部題覆兩淮鹽政準奏前事等因乾隆七年七月初九日奉

硃批

該部議奏欽此欽遵於本月初十日抄出到部該臣等查得兩淮鹽政準奏稱經營錢糧各官例有交盤定限所以嚴稽考而專責成也兩淮鹽屬二十五場大使均有征解折價錢糧之責按照

奏銷分數考成惟至新舊交盤未有報部定限蓋因康熙五十年  
議准監課宜加嚴察等事案內題明運使運同運判提舉等官照  
藩司州縣例交代取具冊結呈報部科查核其監場大使應作何  
定限之處未經議及是以歷任相沿既無逾限處分亦無冊報部  
科臣蒞任以來遇有新舊大使交盤雖即飭照運判例限勒催辦  
理但未經請

旨定

例章程殊未畫一監課攸關應請嗣後兩淮監場大使亦照州縣

例勒限兩個月交盤將經徵解折價錢糧并奏定報銷公項銀

兩備造分款四柱清冊由該管分司核具印結申詳監運司加結

呈詳監政咨報部科查核倘逾限未清查明新舊兩任內係何任  
遲延分別叅處仍照限清交結報如果有交盤難結情由照例叅  
明咨部展限若有侵那虧空情弊即行嚴叅究追如此例限嚴明  
庶場員各知警惕於監課錢糧愈加慎重等因前來查康熙五十  
年據監察御史董以駉疏稱各省地丁總歸藩司各處監課統屬  
運司責任相同凡藩司交代必將其任內收放錢糧交盤出結造  
冊呈詳巡撫具題分送部科查核但各處運使交代並無印冊咨  
送亦不題報所以上下之官得以彼此徇隱請嗣後運司交代亦  
令照藩司交代之例將舊官任內收放錢糧新官交盤出結造具

奏

場員大使交代例限二

西柱清冊呈詳巡鹽御史具題分送部科稽察至運同運判有催徵錢糧者亦應照州縣交代令御史取其冊結呈報部科等因經臣部議奏嗣後運使交代亦照藩司交代之例造具冊結呈詳巡鹽御史具題到日查核至雲南貴州四川甘肅等處未設運使其管理鹽課錢糧官員交代之時亦應照此例造冊呈送巡撫具題分送部科查核其運同運判提舉寺官均有催征錢糧之責交任之時應照州縣官交代例令該巡撫御史取其冊結呈報部科查核等因覆准通行在案今該鹽政準奏稱兩淮鹽屬二十五場大使均有征解折價錢糧之責按照奏銷分數考成惟新舊交盤未有報部定限因康熙五十年議准鹽課宜加嚴察等事案內鹽場大使作何定限之處未經議及是以歷任相沿既無逾限處分亦無冊報部科請嗣後兩淮場大使亦照州縣例勒限兩個月交盤將經征解折價錢糧并奏定報銷公項銀兩脩造四柱清冊由該管分司核具印結申詳鹽運使加結呈詳鹽政咨報部科等語臣等伏查一應經管錢糧俱有考成新舊交盤各有定限原所以杜虧欠那移等弊法至善也惟是鹽場各員征解錢糧止有奏銷分數考成而於新舊交代並無報部定限亦無冊報部科皆緣從前定例未經議及是以場員向無交盤之例若不立定章程勒

條奏

場員大使交代例限三

限催辦則新舊各員恃無交代處分皆得任意延緩或致虧欠那  
移均未可定今該鹽政奏請將兩淮鹽場大使亦照州縣例勒限  
兩個月交鹽備造清冊核具印結咨報部科查核誠于錢糧有益  
應如所請行令該鹽政準奏將兩淮鹽場大使照州縣例勒限兩  
個月交鹽將經征經解折價錢糧并奏定報銷公項銀兩備造清  
冊由該管公司核具印結申詳鹽運使加結呈詳鹽政咨報部科  
查核倘逾限未清查明新舊兩任係何任遲延分別叅處仍照限  
清交冊報如有侵那虧空情弊即行叅究追再查兩淮場員交  
盤既經定有例限則凡經營鹽課大使等官事同一例自應通行

各省一體遵照始無參差互異除四川貴州甘肅等處所征鹽課

鹽稅等銀俱係各該州縣征收原未設有場員毋庸置議外其餘  
兩浙長蘆河東兩廣福建等省鹽課均係各場征解雲南鹽課則  
係各井大使征解應行文各省管鹽督撫鹽政一體遵行以昭畫  
一可也等因乾隆七年八月初九日題本月十一日奉

依議欽此到部為此合咨前去欽遵查照施行



戶部為欽奉

一 戶部善因稟到以平八日以此日與本月十一日奉

諭各井大與外報惠計女各皆曾並皆無益如一補並計以罪重

西補身蓋西東而黃醉與若皆益醫以此各財其補雲南益醫限

益錄若雖與計各籍依錄其如京未結育醫員母亂置難收其翁

各各一補數照缺照卷美正與補四八貴代甘廣等處應以此

應賑災民大小口數據實造冊不得遺漏

戶部為欽奉

上諭事江南司案呈乾隆七年八月十三日內閣奉

上諭向來外省地方灾荒有司官員辦理不善每將應賑人數有意裁

減以致人多賑少國家雖沛恩膏而小民仍有不免飢餒者今年江

南被水甚重且當連年灾荒之後更非尋常可比凡屬應賑灾民務

須將大小口數據實造冊不得仍踵前弊致有遺漏可速傳諭欽差

大臣及該督撫加意查察轉飭有司實力奉行欽此欽遵

大司文結督辦心查察轉輸亦宜查察  
 南蘇木其重且當與平定案之對與那  
 土備向來收管由文安並存同官員轉  
 土備專以備南同案呈報以平八月十二日內閣奉

以暗為始末

熟銀大月大小口煤銀實數無不數盡

舊有船料者照例征收向無船料者不得因免米豆稅銀轉

加船料免過米稅數目俟一年後停其造報

戶部咨貴州司案呈戶科抄出本部等衙門議覆御史李清芳沈

廷芳等題前事內開等因于乾隆七年八月二十日題本日奉

旨依議欽此相應移咨該撫遵照施行計粘單一紙

戶部等衙門謹

題為敬陳管見仰祈

睿鑒事內閣抄出協理山東道事廣東道監察御史李清芳奏稱本月

初六日邸抄中見江蘇布政使管理濟閩安寧奏稱濟閩米穀

奏

舊有船料者照例一 七年秋季

丘雜糧等項俱係計石征收至于船料從不收取今准部議船料自應一體輸納等因見在按照各項舡隻之長短深淺濶狹核其受載之多寡務逐一分晰均平定議報部等語臣思開稅一件于民生大有關係查天下各關空船征料及貨船並征者甚以其餘不過就貨稅銀並無徵收船料而戶部議內云各關空船既係征料船料自應一體輸納是戶部據數處之關而欲設盡天下之關懸揣之辭也安寧奏內稱許開則例本不收取船料甚明而云見在按照各項船隻之長短深淺廣狹逐一分晰定議是本不收取船料之開今將添設船料稅額也萬一天下各關俱依此例辦理是不問何項船隻有貨無貨凡過關者俱當上稅矣我

皇上

至聖至明念切民依將過關米豆盡行免稅澤至渥也今若如此辦理是免商人米豆之稅以惠民而收窮民本不納稅之船銀以充用臣雖至愚必知其不可也且民間有船其裝載糧食者十之一其不裝載糧食者十之九即以江浙之蘓松常嘉湖等府言之人烟湊集其船隻之多大小不下數十萬艘百姓賴以資生者何啻數十百萬人其間不裝糧食以往來者居其大半今若一槩征而稅之則自杭之比新關以至淮安等處千里之內當納船料四五處矣小民以船為生父母妻子俱在其中千里往還所得無

除奏

舊有船料者照例二

七年秋季

幾其船大者實價不滿六七兩小者三四兩其間行家埠頭抽利  
始盡終歲勤勤涉歷風濤比之行商買客尤為可念臣謹細繹  
上諭內各關征收則例不一有征商稅者有征船料者有商稅船料並  
征者今既蠲米豆之稅其船料一項若不分明確著有規條恐  
致混淆滋弊是以

勅部詳查妥議原以米稅既免恐稅料並征之詞混淆滋弊也今若將  
本不征收船料之關議令更張收稅殊與

諭旨不符臣愚以為凡從前稅船之關仍舊輸納船稅不得以米豆藉  
口其本無征輸船料者不應議及添設船稅則

聖主之恩膏下究而萬民宴受其福矣等因于乾隆七年七月初十日  
奉

硃批九卿議奏欽此臣等正在核議間又據協理陝西道事山東道監  
察御史沈廷芳奏稱臣聞邸抄御史李清芳奏米稅船料一摺殊  
未詳悉伏查米豆蠲稅一事荷

聖主斷自宸衷舉由宏遠明五百年培歛之陋政一旦而廓情之恤商  
便民利存萬世凡司計管權諸臣自當仰體

皇上愛民賤貨之心務崇寬大畧去苛刻今部議乃恐船戶串通分船  
裝載或有偷漏行令詳查夫

聖主意在廣施恩澤故于米稅之重者既盡予蠲除豈于船料偷漏之區區尚宜錙銖較計况米商挾貨牟利邀

恩免稅萬姓歡呼已深感戴若催船載米多裝一船即多一舡之僱費所免船料寔未足抵償在米商舡戶豈肯出此又米稅既除則米舡到關即行開放聽其所之使米商易于往來則米價自能平減今又議令將免過數目造冊報部則凡有米船抵關其石數稅銀之多寡關吏仍須細加盤詰得賄者或即行先放無賄者或托故留難不特守候稽遲更關吏胥常索今米舡既行免稅則每年所免額稅之數公家即不必與聞若年滿造冊徒滋繁商民神善政

應請

特旨永停至各關米豆征額臨清淮安宿遷揚州夔州潯豐六關向俱按石收稅若天津蕪湖北新九江太平鳳陽龍江贛關及江蘓東海關定例止按船征料其米豆之稅本不征收然各關船料原重米稅一項寔已兼之今若不槩免船料則天津等十關未蒙恩澤豈聖主廣施德政之心使僅于舡料之中加之分別定為米稅應免若干舡料仍納若干在司權者必但求征額之多則商民終未沾免稅之惠因而吏役得以高下其手弊竇翻由此叢生究之征供之所入無多而膏澤已阻于下逮揆之情勢殆所必至且辭關舡料向

條奏

舊有舡料者照例四七年秋季

本不收今因停收米稅轉將各項舡隻定議征收是在商之免稅者未受寔

恩而在舡之無稅者翻增新課徒有免稅之名仍行收稅之寔恐非

皇上所以惠育群黎之至意也至淮安宿遷兩關近聞米船到彼關吏以部票未定仍欲征收以致米商不行價更翔湧臣思淮徐兩郡連歲凶災今年復遭夏潦麥收蕩然雖加賑截漕

德音屢降而兩郡民食尚有不敷正宜招集米商流通食貨豈宜更听權關撓阻使之裹足不前今淮宿漸關既皆若此奉行失寔恐他關亦約畧相等苟非將米船之船料一體蠲除則司權者藉此糾繚必致

恩波不能遍及請將各關米船之舡料亦永遠蠲除等因乾隆七年七

月十六日奉

旨九卿一併議奏欽此欽遵于本月十七日抄出到部該臣等伏查乾隆七年四月初二日奉

上諭米豆各項向因商人販賤鬻貴且以照則征輸第思小民朝餐夕餐惟穀是賴非他貨物可比今特降諭旨將直省各關口所有經征米豆應輸額稅悉行寬免永著為例至各關征收則例不一有征商稅者有征舡料者有商稅舡料並征者今既蠲免米稅其舡料一項若

奏

舊有船料者照例五七年秋季

不分晰明確著為規條恐致混淆茲應如何辦理之處著交該部  
詳查妥議具奏欽此欽遵經戶部議令該關監督將向例征收空舡  
料銀者遇有裝載米糧兩關其應納料銀應照依空船料銀之數  
納料如本係空舡及按年抽單納課者仍照舊例徵收但舡隻料  
銀各關俱係收納何計石征收之關獨不收納料稅或係料稅即  
在計石征收之內則例未經開載查各關空舡既係征料是舡料  
自應一體輸納應令該關監督詳細查明定議報部等因具奏奉  
硃批依議欽此通行各督撫監督在案今該御史李清芳奏稱該關本  
不收舡料而云見在按照各項舡隻分晰定議是將添設舡料

稅額萬一天下各關俱依此辦理不問何項船隻有貨無貨兩關  
俱當上稅是將本不征收舡料之關議令更張收稅殊與

諭旨

不符請將從前稅舡之關仍舊輸納船稅其本無征收舡料者不  
應添設舡稅又據御史沈廷芳奏稱天津蕪湖等關向納船料今  
請一體蠲除等語臣等正在詳加會議于乾隆七年八月初六日  
內閣奉

上諭

朕愛養黎元特沛殊恩將開權米豆等稅悉行蠲免以為充裕民  
食之計但舡料一項議論不一見發九卿會議尚未議奏朕思此事  
並無難辦之處向征舡料者應照例征收向不征舡料者豈可因免

條奏

舊有船料者照例六七年秋季

米豆之稅而轉加征船料著該部即速行文各關知之欽此欽遵仰見我

皇上加惠商民恩施周浹今船料一項各關監督欽遵

諭旨將舊有船料者照例征收向無船料者不得因免米豆稅銀轉加船料務俾商販流通米糧價值平減以仰副

皇仁應將該御史李清芳所奏船料不應添設并御史沈廷芳所奏船料一體蠲免之處均毋庸再議至該御史沈廷芳奏稱米稅既除米船到關即行開放聽其所之今該令將免過數目造冊報部則凡有米船抵關其石數稅銀之多寡關吏仍須盤詰不時守候稽

遲更開吏胥需索年滿造冊徒滋累商應請永停等語查各關征收米糧稅銀送部稽考簿內有將米糧字樣指出者亦有籠統開造並無米數者而各關年滿奏報戶部例係將上年所收之數比較核題今若不將免過數目造報恐管關之員或藉免稅之名任意虧缺無從查核是以該令將免過數目年滿造冊報部原為稽考核題起見且權關之設自古職司稽察若云米船到關即可任其所之不必稽查恐有藉稱米缸暗帶違禁等物希圖影射偷越者在商人或有自愛資本不必盡出于此而舵工水手人等奸良不一惟利是圖將來此等情弊勢所必至則兩關查驗放行止

條奏 舊有船料者照例七 七年 秋季



以便商非以累商而查驗之時即可將米糧數目彙冊報部亦無  
累商之處今該御史復請停止造冊應俟一年造報之後各關免  
過米糧稅銀已有成數則以後皆可約畧而知再行傳其造報庶  
為妥協又該御史沈廷芳奏稱淮安宿遷兩關近聞米船到彼關  
吏以部票未定仍欲征收以致米商裹足不前准宿許暨既皆若  
此奉行失寔恐他關亦約畧相仿等語查各關欽奉

上諭即應將蠲免米豆稅銀出示曉諭商民今見據江督德 將奏明  
各關停征米稅原摺送部及據許暨關監督安寧奏稱准到部文  
即將到關之米穀豆麥雜糧等船欽奉

恩旨免其輪納奏明在案是該御史所奏關吏以部票未定仍欲征收  
以致米商裹足不前之處事屬風聞原無確見應毋庸議

恩旨

其舖餉奏即亦樂吳始略也故奏內其心併恐未也

豐收之年米糧當樽節備用愚民貪利燒鍋宜力禁止毋得  
視為具文

戶部為欽奉上諭事福建司案呈乾隆七年十一月初八日內閣  
抄出乾隆七年十一月初七日內閣奉

上諭今年畿輔地方秋成豐稔米糧饒裕正當樽節愛惜以備將來之  
用朕聞私開燒鍋者頗多蓋愚民無知止貪目前小利而不計日後  
之匱乏著著督吏貽直嚴飭所屬實力禁止毋得視為具文其他省  
豐收地方該督撫應一體遵行欽此抄出到部相應移咨直省各督  
撫及飭所屬一體欽遵可也

上諭

豐收之年一

七年

之謂之者... 戶部為請除錢糧統徵之弊等事雲南司案呈內閣抄出兵科給事中鍾衡奏前事等因于乾隆七年十月二十六日奉

上諭令平糶... 戶部為請除錢糧統徵之弊等事雲南司案呈內閣抄出兵科給事中鍾衡奏前事等因于乾隆七年十月二十六日奉

馬政具文

豐州之平糶... 戶部為請除錢糧統徵之弊等事雲南司案呈內閣抄出兵科給事中鍾衡奏前事等因于乾隆七年十月二十六日奉

白糧漕截二項米銀應完正耗各數嗣後於易知單內一體

註明花戶便於照單完納如有多科私徵情弊嚴參治罪

戶部為請除錢糧統徵之弊等事雲南司案呈內閣抄出兵科給事中鍾衡奏前事等因于乾隆七年十月二十六日奉

事 戶部為請除錢糧統徵之弊等事雲南司案呈內閣抄出兵科給事中鍾衡奏前事等因于乾隆七年十月二十六日奉

硃批

該部議奏欽此欽遵于本月二十八日抄出到部該臣等查得兵

科給事中鍾衡奏稱切查定例地丁錢糧于二月開徵其有漕州

縣漕截銀兩于十月開徵嗣于乾隆肆年將漕截銀兩統于地丁

項下徵收似為便民但漕截乃解道給軍之款較之地丁例徵火

耗判然不同今漕截地丁一槩統徵每于開徵之日不分漕截之

白糧漕截二項米銀

有無火耗竟照地丁一例徵收其地丁火耗照例解司其漕截多  
徵之火耗私自入已是因統徵而轉以累民也至白糧一項近例  
俱隨漕統徵每石准其加三完納官為代春俾民無零星守候之  
苦其法頗善但一經統徵而漕白應完各數無從分晰糧書易于  
作奸遂有借端多科至并私收折色者是又因統徵而轉滋累民  
也臣查州縣征收錢糧每戶先給易知由單開載該戶田畝銀米  
數目以便照單完納其各項細數未經詳悉註明以致潛滋弊竇  
貽累民生恭請

皇上勅諭該省督撫嚴飭州縣嗣後隔歲冬底刊刻由單必須逐項分

晰開明該戶田地若干每畝科則若干應完地丁漕截各若干漕  
白米各若干其地丁加耗若干白糧加春耗若干漕截有無火耗  
一并填註于統徵之中仍自分晰不致混淆小民一見瞭然自可  
照單完納官無絲毫浮多民無零星拖欠縱有奸胥亦無從作弊  
矣等因前來查乾隆三年三月內據浙江布政使張若震奏稱浙  
省漕糧項下有貼贈一項每石徵九八色銀三錢肆分七厘每兩  
加耗二分名曰漕截例係十月開徵勒限兩月全完為期甚迫民  
以為累且此項銀兩每兩止徵耗銀二分色止九八各州縣亦有  
私照地丁收耗并收足紋者請照漕項輕賚等項之例并入地丁

統徵分詳等因臣部以漕截一項徵收九八色銀以及每兩耗羨  
二分之處從前並無咨題成案而耗羨銀兩俱係隨正交納地丁  
與漕截耗羨多寡不一既經并入徵收作何均攤勻扣行令浙督  
會同總漕確查定議具題去後續據原任浙督嵇曾筠等疏稱漕  
截銀兩向收九八色銀舊例相沿原無咨題成案惟隨徵耗羨二  
分係雍正八年原任浙督李衛奏准撥給押運官弁養廉有案至  
作何均攤勻扣之處應就各該州縣地漕耗羨之多寡將漕截正  
耗通扣攤算總以所徵正銀一兩以九錢八分給軍以二分解司  
為運弁養廉之用定于二月隨同地丁一條鞭徵限期寬展定為

軍民兩便等因經臣部覆准在案又雍正六年九月內據原任浙  
江糧道蔡仕舛奏稱江南白糧俱隨漕統征民貼耗未官代春白  
浙省則聽民自春白米于完漕後另納零星升合出自于萬手所  
春雖加意選擇終難純一又官多一項征比民多一項輸納免開  
每致殿後請照江南統征之例准其每斗加耗三升隨漕並征該  
州縣雇募人夫就中選擇好米春白交兌等因經臣部覆准亦在  
案今該給事中奏稱漕截銀兩統于地丁項下征收似為便民但  
漕截乃解道給單之款較之地丁例征火耗判然不同今不分漕  
截之有無火耗竟照地丁一例征收其地丁火耗照例解司其漕

截多征之火耗私自入已是以統征而轉以累民至白振一項近  
例俱阻漕統征每石准其加三完納官代民春俾民無零星守候  
之苦其法頗善但一經統征而漕白應完各數無從分晰糧書易  
於作奸遂有借端多科并私收折色者是又因統征而轉滋累民  
請

皇上勅諭該省督撫嚴飭州縣嗣後隔歲年底刊刻易知由單開明該  
戶田地若干應完地丁漕截若干漕白米若干其地丁加耗若干  
白糧加耗若干漕截有無火耗一并填註于統征之中仍自分晰  
不致混淆小民自可照單完納奸胥亦無從作僥等語查浙省漕

截銀兩從前因軍代民運里戶津貼之項議單開載與漕項輕重  
等銀一律填註由單另款征收每漕糧正耗米一石征漕截銀三  
錢四分七厘給軍濟運又每兩收耗二分于雍正八年經原任浙  
督李衛奏明以為領押官弁養廉之用嗣緣此項銀兩係十月開  
征勒限兩月全完為期太迫且銀色又劣九八每兩僅收耗羨二  
分與地丁耗羨多寡不同往往州縣有隱地丁收耗并收足紋者  
民情多以為累是以臣部覆准原任浙督嵇 等所奏將應征九  
八色銀一兩折收紋銀九錢八分并收耗二分統作一兩之數再  
按各州縣地漕耗羨之多寡如地丁耗銀每兩收取四分者則漕

何  
截銀兩每兩止徵正銀九錢六分一厘五毫零其餘三分八厘四毫零攤作耗羨便民輸納仍以九錢八分給軍濟運以二分解司為押運官弁養廉之需今該給事中所奏漕截乃解道給軍之款與地丁例征火耗不同今一例統征其漕截多征之火耗私自入己之處是未知漕截一項原有耗銀因與地丁耗羨多寡互異是以議定攤筭徵收並無多徵累民之弊至所稱白糧每石准其加三隨漕完納一經統徵而漕白應完各數無從分晰糧書易於作奸遂有借端多科并私收折色之處查江浙兩省白糧從前原係民間自舂白米於完漕後零星輸納因米色不能純一且另行征

比民多未便是以令其每斗加耗三升官為雇夫代舂起運至浮收加派違例私折等弊部經總理事務王大臣九卿及臣部先後議准科道諸臣蔣炳馬宏琦馬丙正與吾等條奏通行禁革在案是民間輸納白糧較前便易亦無違例多科并私收折色之擾唯是前項白糧隨漕並征每完糙米一斗加舂耗三升以及漕截銀兩改同地丁統徵其應完火耗業已攤筭在內之數有漕州縣或未照例一體填註易知由單以致潛滋弊竇亦未可定應如該給事中鍾銜所奏行令總漕并江浙兩省督撫轉飭有漕各屬嗣後于隔歲年底刊刻易知由單時將該戶田地若干應完地丁

漕截若干漕白米若干其地丁加耗若干白糧加耗若干漕截加  
耗若干如何均攤均扣於單內逐一註明分給各該戶以便照單  
完納如有多科私折苛項情弊該督撫立即據實嚴叅從重治罪  
可也等因乾隆七年十一月二十八日題本月三十日奉

旨依議欽此相應移咨前去欽遵查照施行

禁遏糴

乾隆七年十二月奉


上諭天時有雨暘地土有高低而年歲之豐歉因之以天下之大疆域  
之殊歎於此者或豐於彼全賴有無相通緩急共濟在朝廷之採買  
撥協固自有變之之權宜斷無有於米穀短少之處而強人以糶賣  
者若有收之地商賈輻輳聚集既多價值自減則窮黎易於得食此  
鄰省之相周與國家賑恤之與相濟為用者也我

皇考與朕俱曾屢頒遏糴之禁惟是地方官民識見未廣偏私未化未  
免以米糧出境稍多價值漸貴雖不敢顯行遏糴之事靡不隱圖自

禁遏糴一



便之私群相禁約有司又從而偏袒之遂視鄰省為秦越矣用是再  
 頒諭旨着各省督撫各行勸導所屬官民毋執畛域之見務敦極恤  
 之情俾商販流通裒多益寡以救一時之困厄將來本地或值歉收  
 又何常不于鄰省是賴並將此曉諭官民共知之欽此



寬政戊午

